



宋元詩會卷之十八

皖桐陳焯然公輯選

後學程

仕松界叅較



司馬光

字君實陝州夏縣人父池天章閣待制先生七歲儼然如  
 成人君實諱左氏春秋人退為家人迷之即了其大旨自是手  
 不釋卷實元初禮服除進士甲科除奉禮郎簽書州判官丁內  
 外艱毀瘠如禮服除簽判武成軍改理評補國子直講以  
 館閣枝勸起居知禮院從龐籍辟通判麟州進直秘閣開封  
 府推官修起居知禮院從龐籍辟通判麟州進直秘閣開封  
 心光與范鎮首發其議復宗立以議濮王典禮不遂立英宗  
 為皇太子加天章閣待制英宗立以議濮王典禮不遂立英宗  
 諸御史同中丞所彈劾皆翰林學士仍還學士力遇大事  
 獎任御史中丞所彈劾皆翰林學士仍還學士力遇大事  
 必建言無所避王心安石其言阻于安石論排之與呂惠卿廷  
 辯切中事情帝雖王心安石其言阻于安石論排之與呂惠卿廷  
 殿學士知永興軍請判西京御史臺歸洛編資治通鑑成  
 加資政殿學士哲宗初起知陳州留為門下侍郎請罷新  
 法從之拜尚書左僕射卒年六十頌君有實走卒知司馬使得  
 以一身繫天下之望所謂免童頌君有實走卒知司馬使得  
 享年如文潞公也

宋元詩會

卷之十八

存素堂



同錢君倚過梅聖俞

王畿天下樞簿領日填積自非奉朝請九衢未嘗識今茲到東  
城胥靡暫逃役近指聖俞君安能不往覲一室靜蕭然昏碑帖  
古壁叩堦讀新詩迷閣得指摘笑言殊未足黯然日將夕呼馬  
涉歸塗燈火已歷歷又知幾何時更有重來迹

小雨

雲日互出沒數朝飛雨清瞳矐似欲止廉纖還未晴映空輕絲  
亂著物細珠明葉端危不墮荷心重忽傾喜涼高燕舞便溼羣  
蛙鳴于余亦有得藥碗胡麻生

秋意呈鄰幾冲卿

新涼入閭巷舊暑何人掃筠籠賣紅蓮莎堦墜丹棗蕉衫日以  
疎紈扇安能好蟬悲西風樹燕亂斜陽草此意屬淵明籬邊幾

樽倒

春塘水

春塘含薄水浙漑隱隈曲晴日射寒芒柔風折哀玉草樹曾未  
知波光已先綠

八月十五夜懷君貺

昔公在洛師未嘗棄佳節今宵秋半分空羨西樓月天色湛澄  
清風聲吟騷屑笑言不可親引領望金闕

再柬友人

故人音信絕對月動相思清露滴梧葉此懷當告誰秋風廣陵  
郭正是望濤時

寒溪石

穹石正嶄崑寒流更清激霜飛黃葉擁波濺蒼苔溼谿水勿劇

宋元詩集  
卷之十一  
來沙鶴方孤立

噴玉泉

蒼崖雙起秋雲齊亂峰迸出如攢犀石稜澁不容馬蹄下馬步  
入荆榛蹊瀑泉沃雪拖白霓落潭橫引成清溪老木長藤咫尺  
迷興闌欲出忘東西

楚宮行

楚王宮中夜未央清歌祕舞會華堂木蘭為柱桂為梁隋珠和  
璧爛同光橫吹乍鳴秋竹裂繁絃初度春雨歇九微火樹垂垂  
滅羅衣絲絲玉纓絕滿朝冠劍東方明宮門未啟君朝醒秦關  
日夜出奇兵武安烽火照夸陵

夜意

清夜四無譁淡巖上帝家星翻珠網白斗挂玉樓斜風靜虛成

韻霜輕未作花還疑漢津客浩蕩寄流槎

金山寺

香刹冠嵯峨松門挂磬蘿風高塵不到岸濶鳥難過欲雨江容  
怒新晴海氣多停舟何所事回望隔烟波

寓泊鄭圃寄獻昌言舍人

旅食緇衣館飄蓬况自迷樹橫寒霧遠山隱古原低愁暮空庭  
雀驚晨別墅雞故人何處在依約玉繩西

和宋復古小園書事

飽食復閒眠風清雨霽天葉淡時墜果岸曲乍藏蓮波面秋光  
淨林梢夕照鮮東家近亦富滿地布苔錢

晚春病起呈擇之治臣

風日正和柔身輕喜病瘳懶拋殘蠹簡暖脫敝貂裘值客開青



眼逢花忘白頭家家好春色何處可同遊

春日思景仁

去歲洛城中嬉遊處處同從離岬嶺北常夢湫泉東草遶春街  
碧花繁夕市紅臨風默惆悵想像白眉翁

送趙書記衆之官華州

車馬出城外瀟瀟未有塵辭梁猶帶雪過洛漸生春幕府斜依  
嶽關山四抱秦曩來棄繻者今日復何人

送華亭沈主簿

執袂青門道蕭蕭馬欲東暮雲零落翠遠樹淺淡紅楚澤吟聲  
裏吳山醉眼中相思杳何許野鶴唳高風

送僧聰歸蜀

翠栢老精舍江塵倦帝城千山一錫遠萬里片雲輕江棧紆還

直天星縱復橫聰猿應更喜還是故鄉敬

送張寺丞覲知富順縣

漢家五尺道置吏撫南藝欲使文翁教兼令孟獲知盤羞藟醬  
實歌雜竹枝辭取酒須勤醉鄉關不可思

送呂濟叔李公素使北

雲愁雪欲零四牡出郊坰古塞烟華紫寒沙日氣青金門祕雞  
樹朱節耀龍庭幾夜天街北遙瞻漢使星

送謝都官顓知光化軍

廐吏整車馬息息辨曉裝青緇出閭闔朱旆指滄浪野店杏初  
發津亭柳已黃行行不可駐猶及勸耕桑

送劉觀察從廣知洺州

漢家英俊士袞袞出金閭久襲通侯籍新胥太守章畛封連故

趙廬井帶清漳春色迎鏡吹應忘道路長

送李尉以監丞致仕歸閩

行行歌式微浩歎返荆扉卻著登山屐盡焚趨府衣溪清魚影亂竹間筍芽肥應悔浮名誤空將白髮歸

送瀛洲簽判蘓祕丞

高陰十萬兵幕府籍時英塞上風猶勁關南春未生投壺邊柝靜倚馬檄書成不忘塵中客征鴻可寄聲

送章伯鎮知湖州

江外饒佳麗吳興天下稀尊羹紫絲滑鱸膾雪花肥斗寒相照烟波碧四圍柳侯還作牧草樹轉清輝

送王伯初通判婺州

煜爚屏星駕迢迢婺女區嵐光晴向背溪溜暖滌紆萬室鳴機杼千艘隘舶艫若逢耆舊問能說隱侯無

送程端明勛知成都

高陽將幕開濯錦使往來欲識闕頭雪正如江上梅宵衣矜遠俗露冕寄良才豈待三年最修梧茂帝臺

郭氏園送張仲通刺棗州

名園送嘉客冠蓋去傾朝小雨塵微斂輕寒酒易消雁歸春近塞日上海生湖北道平如掌東風五馬驕

送裴中舍士傑赴太原幕府

元戎台鼎舊大府節旄新邊堠正無事賓筵斯得人山寒大行曉水碧晉祠春乍釀葡萄酒飛觴不厭頻

送雲卿知衛州

汗簡成新令褰帷刺劇州韋平家法在召杜治教優野竹交淇



水秋瓜蔓帝丘三年歸奉計肯顧石渠遊

送魏寺丞廣赴辟秦州判官

征西大府開後乘得高才區脫風烟靜渠搜職貢來隴雲低玉  
帳來舞奉金壘信美從軍樂寧煩玉漿哀

次韻和江鄰幾九月五日省直

羣騶布路散瘦馬解鞍迴雨闋蟲散樂秋淡菊意催圖書終自  
適僚友邈誰陪何以消寒夜殘醪不滿杯

華清宮

新豐雞犬稀薊北馬秋肥金殿翠華去玉堦紅葉飛荒林上路  
廢溫谷舊流微嗟此前人事何須問是非

觀僧室畫山水

畫清禪室冷方暑久徘徊不盡林端雪長青石上苔心閒對崑

岫目淨失塵埃坐久清風至疑從翠澗來

歸田

松竹陶潛宅蓬蒿仲蔚家行遊筇杖瘦嘯傲幅巾斜屋小疎茅  
覆門淡亂柳遮村童迎客至曳帚掃桃花

酪羹

軍廚重羊酪饗士舊風傳不數紫萸滑徒誇素鮑鮮爍蟲煩捫  
取勺藥助烹煎莫與吳兒說還令笑茂先

野菊

野菊未嘗種秋花何處來羞隨衆草沒故犯蚤霜開寒蝶舞不  
去夜蟲吟更哀幽人自移席小摘泛清杯

秋夜

城上調秋角烟間發暝鐘風枝搖宿鳥霜草覆寒蟲久負觀書

樂端愁束帶恭慙因羣吏散還得遂幽慵

六月十八日夜大暑

老柳凋塘噪荒庭熠燿流人情正苦暑物態已經秋月下濯寒  
水風前梳白頭如何夜半客束帶謁公侯

漢宮詞

首着花猶短葡萄葉未齊更衣過栢谷走馬宿棠梨逆旅聊懷  
壘田間其鬪雞猶思飲雲露高舉出虹蜺

客思

客思倦飄泊居然感物華關頭望紅葉馬上見黃花薄宦終無  
定閒愁詎有涯今朝書至否幾夜夢還家

送李益之侍郎致政歸廬山

儒業金章貴歸心白鶴孤江山依舊在軒冕邇來無嘯詠誰當

共登臨未索扶浩然知此樂迴與世人殊

送昭遠兄歸陝

種種親頭白帝城難少留倚門應有望列鼎本無求清夜多歸  
夢紅塵歷舊遊此行殊捧檄轅下五驂騶

史館任祠部轉運河東

聳望簪紳舊恩華雨露重圖書周內史汾澮晉全封秀發千尋  
壁寒生百鍊鋒歸時門有戟惜別更從容

送羅郎中登時管勾玉局觀

官名為玉局已使俗塵疎鐘出寒松迴香凝古殿虛鄉閭非甚  
遠俸祿豈無餘誰道神仙樂神仙恐不如

奉和始平公憶東平

相印東臨汶水陽兩看春葉與秋霜登山置酒延鄒湛上馬回



鞭問葛彊谿竹低垂寒滴翠露荷相倚淨文香宵衣淡念長城  
固可待從容傲醉鄉

和運使舍人北園餞別行憇三交僧舍冒雪宿百井關見寄

驪駒北上雪孱顏韞矢前驅度漢關僧室松杉青照眼驛亭煙  
火迴依山馬街邊草枯猶瘦雁怯口雲冷未還賤子不須回首  
問鬢毛蕭颯薄書間

和景仁西湖泛舟

滿船歌吹沸春灣天外晴霞水底斑誰信飛觴臨綺席獨能回  
首望青山東門車馬匆匆別西洛風煙寂寂閒壘石溪頭應更  
好祇輸野叟坐林間

酬宋叔達卜居洛城見寄

離羣四十一春風縱有相逢似夢中幸得因緣作鄰舍惟嗟彼  
此是哀翁漢文前席人將去庾信誅茆索未充悵望金隄碧蕪  
濶杖藜攜手幾時同

夕宿獨樂園詰朝將歸賦詩

平曉何人汲井華輓轡散發鵲春鷓開國更有四五日映葉尚  
餘三兩花宿岑岑猶帶酒無眠耿耿不禁茶自嫌行樂如妨年  
少遽索藍輿且向家

和邵堯夫老老逢春二首

年老逢春春莫吟朱顏未可似春回酒因多病無心醉花不解  
愁隨意開荒徑倦遊滋碧草空庭慵掃自蒼苔相過談笑猶能  
拄坐待中車陌上耒

年老逢春猶解狂行歌南陌上東岡晴雲高鳥各自得白日游

絲相與長草色無情盈眼綠花林多思襲人香吾儕幸免簪裾  
累痛飲悶吟樂未央

酬邵堯夫見示安樂窩中吟

安樂窩中自狂身猶嫌名字落紅塵醉吟終日不知老經史滿  
堂誰道貧長掩柴扉避寒暑只將花卉記冬春料非空處悶吟  
客乃是清朝避世人

和伯常見寄

誅茆宋玉宅邊人知醉宜春幾甕春細雨短簑漁向市孤村極  
浦鼓迎神徧遊七澤身忘倦更賦千篇意轉新不必滄浪美清  
泚鄉耒纓上已無塵

二月三十日與同舍宴李氏園晚歸馬上賦詩

門前蹀躞金羈滿座上連翩玉笋飛數尺游絲留客醉一行垂

柳送人歸同邀勝友時難得再到名園花已稀莫惜芳春賸行  
樂無端風雨橫相違

和吳省副

中復字  
中庶

梅花半開招凭由張司封飲

伯玉字  
公達

帝鄉春色嶺頭梅高壓年華犯雪開正與嘉賓思共醉不須芳  
物重相催從軍貯酒傳呼出側弁簪花倒載迴風雨難期王事  
劇未知休沐幾旬來

和子華招潞公暑飲

朱門近在府園東杖屨過從跬步中避暑連翩投轄宴折醒瀟  
灑入懷風悶來清韻渾如鶴醉裏朱顏忽變童剪燭添香歡未  
極但驚銅漏太匆匆

和君貺宴張氏梅臺

京洛春何蚤憑高種嶺梅紛披百株密爛熳一朝開青女工黏



綴霜娥巧剪裁崑山雪滿谷蓬渚浪成堆勢擁樽前合香從席  
 下來蛺蝶天起練甲洗兵回不使光風散曾無夜色催人稠  
 衣馥郁地狹舞徘徊民服召公化時推何遜才淹留文酒樂璧  
 月上瑤臺

送張少卿學士子憲知洪州

相府典型在朝闈望實高袖書榮史觀典樂重卿曹夸路迎飛  
 鞞桑林應奏刀家羸傳舊學廟鼎刻前勞袷服屯千騎連檣閱  
 萬艘劍芒衝夜氣閣影動秋濤風色傳花信烟嵐拂酒膏使君  
 專問俗無意在遊遨

清明上巳兩泛洛川和君貺

繁華兩佳節邂逅適同時雅俗共為樂風光如有期曉烟新里  
 巷春服街津涯已散漢宮燭仍浮洛水巵占花分設席愛柳就

張帷華轂爭門去疎簾夾路垂一川雲錦爛四座玉山敬疊鼓

傳遙吹輕鏡破直漪清談何袞袞和氣益熙熙想見周南俗當

年播逸詩

范鎮

字景仁成都華陽縣人薛奎守蜀第一見愛之俾子弟從學  
 及還朝載之入汴舉進士禮部奏名第一及廷唱例得越次  
 自陳而鎮獨不然同列異之調新安主簿召試學士院當  
 得館閣校理直主司安以久居舍人知諫院疏陳軍國大計  
 宰相薦超授直宗祕閣擢起未繼嗣廷臣莫敢先言者鎮計  
 宰切時弊時仁宗在位久未進鎮貽書抗折之因見上  
 首上章而執政司馬先贊之遂定策立英宗即位遷翰林學  
 陳至于流涕不合苗為唐哀世之政初復不足法翰林學士  
 士坐濮議不合苗為唐哀世之政初復不足法翰林學士知通  
 銀臺司極言青苗為唐哀世之政初復不足法翰林學士知通  
 水也養民而竭其財猶養魚而竭其水也疏五上痛詆王  
 安石安石大怒持其疏至手顫自草制俾以戶部侍郎致  
 仕哲宗立拜端明殿學士且以為門下侍郎鎮固辭加銀  
 青光祿大夫再致仕累封蜀郡公薨年八十一鎮諡忠文

武侯廟栢

滿葉是清霜培根無沃土恥作秦皇松寧為馮異樹英靈自有  
風蔭蔚長如雨可憐青青姿不知人事古

淨衆寺新禪院

金地西郊外一耒煩惱攄凡逢似仙境鮮不屬僧居岸綠見翹  
鷺溪清無隱魚殘陽已周覽欲去幾躊躇

送羅勝卿同年提舉玉局觀

疋馬西歸去知君得意偏人情重鄉里官職更神仙曉後無衙  
鼓旬頭有俸錢何須駕白鶴辛苦上青天

送羅郎中登管勾玉局

五門門裏觀松檜日蕭疎道話忘心境仙歌作步虛壇場高哭  
兀廊廡曲紆餘世事多絲擾君心定了如

韓太丞同守成都次韻二首

盛府佳招貴嚴宸雅寄深興題仲舉至闕挂子牟心漢竹分新  
契潘花過舊陰當年百里驥方此試駸駸  
春色草將淡春寒柳未陰青天指行棧淥水蕩離襟後乘何為  
託前旌喻此心南枝倦飛翼憑為寄歸音

遊昭覺寺

炎蒸無處避此地忽如寒松砌行無際石房禪自安鴛鴦秋沼  
漲蝙蝠晚庭寬登眺見田舍衡茅半不完

和闔寺丞海雲寺

春日金田驩且譁始因民俗好絲管絃齊奏喧散野鶯鶯高  
飛不枉花雕檻凭時見城郭迴廊行處有烟霞方塘靄石從來  
信不獨當年太守誇

登崇聖閣



金地環迴半錦城累年斤斧不停聲遠村民舍烟未起滿寺僧  
筵鐘盡鳴欄檻高低資眺覽市廛言笑尚示明阿房昔日徒虛  
語壯麗應誇此畫楹

和成都吳仲庶見寄未韻

歲華今緩昔如流舊日樊籠可自由官事了時無畫極人生安  
處且閒休愚忠皎皎丹心老歸思綿綿兩鬢秋縱使海崇時節  
過急行須及浣花遊

遊學射山

幾年魂夢寄西州春晚歸逢學射遊十里香風塵不動半山晴  
日雨初收指麾赤隊呈飛騎次第紅妝數勝籌夫道綺羅瞻望  
處管絃旌旆擁遨頭

送程端明再鎮成都

成都一都會千里帶坤維自昔公坐肅至今人去思朝廷慎東  
注方面要安綏遂爾重藩屏因之職殿帷龍光出劍外謳頌走  
江湄曉雪離都馭春風入境旗壺漿故父老竹馬舊童兒疊足  
相歡躍同心仰福禧邦人顧若此邑子更何期會講中和化重  
為樂職詩

孟縣萬艘潭

私船官運渡縱橫萬貨相通繞近城燈火夜凉人未散古潭宜  
復萬艘名

范祖禹

字淳甫一字夢得其生也母夢一偉丈夫自稱鄧禹入寢  
室遂以為名幼孤叔祖鎮撫育如己子登進士從司馬光  
編通鑑于洛十五年不仕用光薦為祕省正字祖禹屢上  
國尤愛重之祖禹竟不往謁神宗崩哲宗方幼祖禹屢上  
書宣仁后期以保聖躬育聖德反復拳拳及宣仁崩祖禹  
慮小人乘間害政又聖躬力請辨析是非深拒邪說章數上

報而章亭用事出按廣東化州有范祖禹墳

資州路東津寺

山行無晨暮日暝崖谷昏哀猿落客淚永路驚旅魂憑陵高山  
巔俯視大江奔迴環島嶼合滌轉洲渚屯行雲赴炎火飛鳥下  
蜀門地遐怪蛇聚寺古溪殿存憶昔李氏末烟塵暗中原姦雄  
競草竊割據窮海根干戈百年後見此敗屋垣我來屬清秋登  
覽無俗喧山溪虎豹歸水靜蛟鼉騫臨風獨嘯叱浩蕩欲飛翻

月夜船行入資川

憶昨臥碧山蒼蒼叢桂間白雲為屏石為枕綠蘿長挂明月閒  
忽乘輕舟泛江水山月隨人還在此白鷺驚飛宿靄間青山倒  
臥蒼波底此時孤櫂發中流川後停波聽櫂謳不學子猷中夜  
返欲乘明月向資州

多病

多病心牢落經秋鬢颯然風乾桐葉地雨冷菊花天舊隱荒江  
漢新居俯澗瀍西都長夢想何日賦歸田

韓維

字持國開封雍丘人忠獻韓億第五子以進士奏名禮部  
方億輔政不冝試大廷父歿閉門不仕宰相薦其嗜學恬  
退召試學士院辭不就授檢討知太常禮院於議陳執中  
謚公直不阿乞罷禮院通判涇州神宗封王兩為記室參  
軍召同修起居注侍講通判英殿進知制誥閣直學士以  
遇人才進退多所執諍神宗即位除龍圖閣直學士以議  
王陶遷翰林學士去知汝州數月召兼侍讀判太常寺熙寧  
二年遷翰林學士知開封府明年為御史中丞以兄絳在  
樞府力辭之羣安石亦惡其言保甲事復使出知襄州許州  
七年二月入為學士承旨下侍即復罷學士再出知襄州許州  
舉崇福宮元祐初拜門下侍郎復罷學士久之以太子請提  
傳致仕紹聖中坐元祐黨絀適於嚴而維適於  
子絳維紹聖中坐元祐黨絀適於嚴而維適於  
正維其賢哉絳維亦首附後  
世無傳本惟得絳一亦首附後



舟中夜坐

晴霜落波底斗柄插堤外扁舟燈火明樽酒夜相對臨歡意暫  
遣念離心已痲蒿師喜冰拆理檝事最邁

服除送兄弟還都

日月忽已遠再見新穀升喪期有常數吉我襟與纓俯仰自悲  
吒淚下肝腸崩尚惟立身報未即泯餘生肅肅忠獻公秉德輔  
休明報國有遺意訓言獨自聽况承主恩厚兄弟秩王廷一朝  
出門去事業各有營上當報君仁下以為親榮獨余抱疴瘵謝  
喧守柴荆掃塚奉時祭復田課春耕既無公家責聊狗狷者情  
出處雖云殊要以道為程

覽梅聖俞詩編

夙昔誦佳句歧子幕高風何意憂艱餘邂逅此相逢君初應府  
辟奉檄來自東引車窮簷下眷然顧微躬姿表穆以秀純德信  
內充乃知文章作中與性情通煌煌新詩章垂光照昏蒙啓櫝  
挹荆璞引筵撞景鐘高篇屢云闕遠思殊未終譬如巧琴師哀  
彈發絲桐中有冲淡意要以心志窮顧惟昧者聽莫辨微與宮  
安得牙曠手提耳發其聰

鋤園

上天浩無私衆草同一榮青青十步間薰臭相雜并卉藥數不  
多十百其品名蔓者善緣附結陰狂高薨修竹雖自立已復困  
纏縈其餘叢與株蕪沒不自呈陰蟲穴其下日夜百種鳴紛然  
亂耳眼我意初不平朝鋤忽以盡暮雨且復生自念疲病者莫  
與地力爭盛衰固物理安用勞我形

答象之謝惠黃精之什

仙經著靈藥茲品上不刊服之歲月久衰羸反童顏巖居有幽  
子乘時斲蒼山溪泉濯之潔秋陽暴而乾九蒸達晨夜俟火不  
敢安持之落城市誰復著眼看富貴異所嗜口腹窮甘酸貧賤  
固不暇錐刀乃其干坐使至靈物委棄同草菅惟君冲曠士敦  
然守高閒食之易為力天和中自完故以此為饋其容幾一簞  
報我三百言浩浩馳波瀾可以諭珍重如獲不死丹方當煩燠  
時把玩毛骨寒它年靈氣成與子駢雙鸞

晚過葆光亭步月

浮沈閭里間放志謝維繫行貪月色靜歸犯霜華溼寒鼓出城  
重飛星過樓急却想竹庭下主人猶獨立

和永叔小飲懷同州江

翰林文章伯好古名一世家無金壁儲所寶書與器北堂冬日

明有朋聯騎至新樽布几案二鼎吃先置大鼎葛所銘小鼎澤  
而淬至恐至神物光怪發非次羣賢刻金石墨本來四裔紛穰  
羅卷軸指擿辨分隸其中石贊藏家法非一二精莊與飄逸兩  
自有餘意興來輒長歌歡至遂沈醉顏饑足簞瓢韓飲尚文字  
乃知內可樂不必鐘鼓貴溫溫江馮翊茲理久所詣賦詩多雅  
言嗜酒見淳氣歲晏不枉席使我增歎喟

遺吳冲卿大饗碑文

蒼碑剝龍螭突兀古殿側世變文字異歲久苔鮮蝕諒非好事  
者塵土未嘗拭我來仰首看百過不自息曩者魏方盛帝丕託  
威德馳驅百萬衆南指斗牛域誓將殄氛祲飲馮長江邑翠華  
鬱回翔高會誇故國肅肅環珮響煌煌羽旄飾鼓鐘何鏗鎔淮  
漢為震及罷饗示得意摛文永鏡勒從臣梁孟皇隸法當世特



奉詔無與讓淋漓奮其墨爾來幾千歲卓卓見筋力端坐九鼎  
重勁挺羣珪植威儀商山老氣象漢庭直惟昔銘枸戈先儒固  
難迹况我蔽陋極視此空歎息常恐日磨滅不辨點與畫呼工  
模於紙一掃見白黑緘包此瓊瑤把玩廢寢食于時大經九有  
詔誦謬忒刊之太學中為後代法式冲卿邦家彥學問古今積  
辭端海鯨運筆力霜鷲擊况茲服儒官灑翰固其職楷模所流  
傳歷世動千百自非體法正徒使觀者惑厥初篆草隸根本君  
已極聊持 張翥庶以叅得失

弔杜少陵墓

三尺孤墳在空留萬古名風騷誰是主天地太無情人夜月虛  
白逢春草自生未陽江色迴憑弔恨難平  
西墅

城居不為愜言適西陂岡雀噪野堂靜鷄鳴春日長書棚落幽  
蠹佛幔掩餘香釋子廬巖至清談殊未央

春朝

燕語聳多日蠶眠過幾宵花淡不辨蝶柳暗欲迷橋便面金環  
重障泥玉勒驕黃公酒壚上誰賞院孚貂

象之以山藥見贈

龍山有游客贈藥滿筠籠葉漬沙泉碧苗分石竇紅斲應侵曉  
露來喜及春風却笑丹砂遠辛勤勾漏翁

自靜教院晚步溪上

雪盡岡頭路風和臘後天人安閒散內鳥下寂寥前凍水晴初  
浪荒城晚自烟西橋車馬急歸意尚留連

和景仁元夕

月上朱樓角風搖翠篠層傳教回步輦滿目爛行燈簫鼓千門  
沸弓刀萬馬刀詩翁懷盛事眉雪慘霜稜

奉和喬年館宿

蓬萊仙構斗魁旁遞直初登漢署郎雲向城頭收暝色月從樓  
角放寒先行看砌菊嗟殘豔坐對書芸襲暗香景物過清渾不  
寐素經讐罷得新章時喬年校醫書

寄題蘓子美滄浪亭

聳君買宅洞庭傍白水千畦插稻秧生事已能支伏臘歲華全  
得屬文章騫飛靈鳳知何暮蟪蝻蛟龍未可量莫以江山足清  
尚便收才業傲虞唐

寒食出郊

都門氣象雨餘佳歷盡埃塵見草芽日薄風和近郊路朱紅粉

白遠林花堤間獨去嬾姍女柳下相逢輕輟車絲鬢未催樽酒  
狂不須辛苦問年華

城西

繡鞅金羈十里塵共傳恩詔樂芳辰千重翠木開珍圃百尺朱  
樓歷寶津御柳初長遮雉雉宮花未識駭遊人自憐窮僻看山  
眼來對天池禁藥春

和蒼叔遊廬山見寄

香爐峰色歷羣山仰眺頻敬使者冠江面烟波搖紫翠佛宮金  
碧照清寒密箴幽谷梅千樹散走鳴泉竹萬竿今日頓驚塵慮  
盡一章佳句雪中看

和朱主簿遊園

白首昏昏度歲年忽聳春至便開顏溪頭凍水晴初漲竹下名



園畫不關旋得歌詞教妓唱遠尋梅艷喚人攀如今尚有官拘  
束解組歸來始是閒

登湖光亭

雪盡塵消徑露沙公家池館似山家翠痕滿地初生草紅氣通  
林未放花匝岸平波清照雁雁城危榭斗回鴉自慚白首猶圭  
組此地年年賞物華

和子華

沈陰消盡見春和初放扁舟泝綠波水際踏青憐日暖林間舉  
白為花多狂從田婦窺籬看醉任家童刮鼓歌年少縱歡饒點  
檢老懷終不挂誰何

和謝主簿游西湖

雲陰開剝日光穿和氣隨風近酒船湖面波清渾見底樓頭山  
碧自生烟興長不忍回孤櫂歌懶才能逐緩絃因子樽前話歸  
計醉魂先到峴山邊

景仁招况之聿用歌舞望門而反作詩戲之

一夜嚴風結素波盍簪寧避曉寒多范滂攬轡方清俗墨子回  
車豈惡歌雲外雁寒鷲歲晚林間鴉語弄春和知君不久承寬  
詔始奈紅裙綠酒何

襄相分惠景仁以詩將之

荊州解綬十經春迴夢青林遶漢濱霜氣輕寒催紺實渚波餘  
潤作甘津僧園採掇寧論數客路奔馳竟占新雪意垂收高會  
缺分金聊助席間珍

謝堯夫寄新酒

故人一別兩重陽每欲從之道路長有客忽傳龍坂至開樽如

對馬軍營嘗怪杜詩曰洗盞開嘗對馬軍及得錦屏山題定將名有寄河南府使馬軍送新酒者然後躍然瓊依都為色疑有金英密借香却笑當年彭澤令籬邊終日歎空觴

寄秦川馬從事

往歲游西謁季長隴雲秦樹勝風光分題紅葉蠻牋膩對舉流霞綵袖香宴洽翠娥連象榻夜寒嬌鳳泥銀簧未知蚤晚重攜手惆悵而今鬢已蒼

春霽憶洛陽

少年結客洛陽時閒傍東風駐馬蹄山色遠饒潘岳宅波光輕撼窈娘堤花繁到處紅如堵酒好尋常醉似泥賴有金臺舊知己應憐魂斷虎牢西

晚春

春暉東去月收弦却拂凝埃啟北軒幾曲雲屏空白畫一簾花雨自黃昏庭蕪碧合陰蟲息牕樹紅稀鬪雀喧細憶舊歡都入夢習家池上子山園

酴醾花

細蓓繁英次第開攀條盡日未能回不如醉臥春風底時使清香拂面來

洛城雜詩

上東門外春三月桑葉陰陰覆菜花密竹亂流行逕絕桔槔鳴處是人家

和杜孝錫展江亭二首

斜日低雲動水光偶尋佳處閱羣芳城闈不隔和風度吹過千花百草香



驚鷺飛鳴避畫橈游人笑語過朱橋賈家園裏花應謝綠遍墻頭野杏梢

韓絳附

字了華維之兄也性尚奔競附王安石以保祿位愧持國多矣官階雖崇概無足紀

遊鴻慶院

久旱雨初足樂遊春正深喧闐觀士女清曠入山林佛界雲成寶僧園地布金方塘探子石高閣盍朋簪沙水通溪白松筠逐徑陰紛華從滿目幽寂自虛心印組端為累巖扃得暫尋晚風吹綠楚歸騎已駸駸

蔡確附

晉江人其父徙居於陳確生而多智不謹細行第進士調邠州司理叅軍以賄聿韓絳宣撫陝西見所製樂語才之薦於弟開封尹維辟為御史時知神宗已厭安石輒疏其過確善察人主意當為御史時知神宗已厭安石輒疏其過

以賈直名每劾去一人即奪其位居之大夫交口唾罵而確自知制誥至參知政事皆用此術得官揚揚然自謂愉快也元豐五年詭譎尚書右僕射兼中書侍郎哲宗立罷左僕射兼門下詭譎尚書右僕射兼中書侍郎哲宗立罷蓋亭賦詩十年坐弟碩事徙安州又徙鄧州以其狂安陸遊其語尤刻毒遂責英州別駕安置新州卒貶所

新州悼侍兒

鸚鵡言猶狂琵琶事已非傷心瘴江水同渡不同歸

夏日登車蓋亭

公事無多客亦稀朱衣小吏不須隨溪潭直上虛亭裏臥展柴

桑處士詩

一川佳景疎簾外四面涼風曲檻頭綠野平流未遠權青天白

雨起靈秋

靜中自足勝炎蒸入眼兼無俗物憎何處機心驚白鳥誰人怒

劍逐青蠅

紙屏石枕竹方牀  
手倦拋書午夢長  
睡起莞然成獨笑  
數聲漁笛在滄浪

西山鬢鬢見松筠  
日日來看色轉新  
聳說桃花巖石畔  
讀書曾有謫仙人

風搖熟果時聳落  
雨滴餘花亦自香  
葉底出巢黃口鬧  
波間逐隊小魚忙

來結芳廬向翠微  
自持盃酒對清暉  
水趨夢澤悠悠過  
雲抱西山冉冉飛

矯矯名臣郝甑山  
忠言直節上元間  
古人不見清風在  
歎息思公俯碧灣

溪中曾有戈船士  
溪上今無佩犢人  
病守翛然唯坐嘯  
白鷗紅鶴伴閒身

喧逐六月浩無津  
行見沙洲束兩濱  
如帶溪流何足道  
沈沈滄海會揚塵



宋元詩會

皖桐陳

焯默公輯選

後學程

仕松皋叅較

周惇頤

字茂叔道州營道人以其勇龍圖學士鄭向任為分寧主  
 簿有疑獄久不決敦頤至一訊立辨邑人驚以為神部使  
 者薦之調南安司理參軍移桂陽令治績尤著徙知虔南昌  
 歷合州判官時趙抃行部感讒口臨之甚威及通判虔南州  
 而抃復守虔因熟視其所為乃大悟執其手曰吾幾失君  
 今而後始知周茂叔也熙寧初為廣東轉運判官提點刑  
 獄因病求知南康軍遂家廬山蓮花峰下前有溪合于溫  
 江乃取營道所居瀛溪名之卒年五十七敦頤得聖賢絕  
 學發明微言為有宋大儒之  
 冠固不係乎名位也卓哉

題瀛溪書堂

元子溪曰讓詩傳到于今此俗良易化不欺願相欽廬山我所  
 愛買田山之陰田間有清水清泚出山心山心無塵土白石照  
 沈沈潺湲來數里到此始澄深書堂構其上隱几看雲岑倚梧

或歌枕風月盈中襟有時吟復默酒罷鳴幽琴數十卷卷軸賢  
聖談無音牕前即疇圃圃外桑麻<sup>林</sup>芋蔬可卒歲絹絹布足衾衣  
吾樂蓋易足名瀛以自箴誰為相朝暮岸木寒蕭森

書牕夜雨

秋風拂盡熱半夜雨淋漓繞樹芭蕉一枕高響圍圍恰似釣磯  
畔蓬牕睡覺時

靜思篇

靜思歸舊隱日出半山晴醉榻雲籠潤吟牕瀑瀉清得聞方達  
士失計只勞生朝市誰頭白車輪未曉鳴

題譚虞部致仕

清時郎望貴白首故鄉歸有子紆藍綬將孫著綠衣松喬新道  
院鶴老舊漁磯知止自高德寧為遜者肥

遊大林

三月山房暖林花互照明路盤層頂上人在半空行水色雲含  
白禽散谷應清天風拂襟袂縹緲覺身輕

宿崇聖院

公程無暇日暫得宿清幽始覺空門客不生浮世愁溫泉喧古  
洞晚磬度危樓徹曉都忘寐心疑在沃州

題寇順之道院壁

一日復一日一杯復一杯青山無限好俗客不曾來往事已如  
此朱顏安在哉寄與地上客歷亂竟誰催

香林別趙閱道

公暇相陪塵外遊朝天仍得送行舟軒車更命入山脚旌節且  
從留渡頭精舍泉聲清瀼瀼高林雲色淡悠悠談終宴罷愁分



手明日瞻思上郡樓

同石守遊山

朝士誰知世外遊  
松杉影裏入吟幽  
爭名逐利千繩縛  
渡水尋山萬事休  
野馬不驚如得伴  
白雲無語似相留  
傍人莫訝凭欄久  
為戀林居作退謀

咏天池

清和天氣年能幾  
短葛輕紗近水涯  
風似相知偏到袖  
魚如通信不驚槎  
笑凭山色傾新甕  
醉傍汀陰數落花  
嘯傲不妨明月上一行  
歸路起栖鴉

觀已嶽木蓮

仙姿元是華巔栽  
不向東林沼上開  
嫩蕊曉隨梅雨放  
清香時傍竹風來  
枝縣蒂帶垂金彈  
瓣落蒼苔墜玉杯  
若使耶溪少年

見定拋蘭漿到崑隈

題春曉

花落柴門掩夕暉  
昏鴉數點傍林飛  
吟餘小立闌干外  
遙見樵漁一路歸

題大巔壁

退之自謂如夫子  
原道深排佛老非  
不識大巔何似者  
數書珍重更留衣

經古寺

琳宮金刹接林巒  
一徑潛通竹塢寒  
是處塵埃皆可息  
時清終未忍辭官

江上別石郎中

落葉蟬聲古渡頭  
沙灘人擁欲行舟  
別離情似長江水  
遠亦隨

君日夜流

趙抃

字閱海道衛州西安人進士及第為武安軍節度推官調知  
 崇安海陵江原三縣通判泗州用曾公亮薦為侍御史殿  
 中彈劾不避權倖時稱鐵面御史其言務欲朝廷別白君  
 子小人上為逐或求去皆賴以召還留任請知睦州移益  
 州轉運使召為右司諫以論樞副陳升之出知慶州復召  
 為御史知雜事改度支副使進天章閣待制河北都轉運  
 使加龍圖閣直學士知成都歸越州復徙杭以  
 幾擢參知政事力言新法不便懇去位出知杭州改青州  
 以大學士復知成都乞歸知越州復徙杭以  
 子少保致仕元豐七年薨年七十七謚清獻

寄酬蔡州王陶正言

自顧愚無堪老大何所用得郡江湖來一意雲泉縱驚此西南  
 身連夕東北夢乃知故人念許與明月共荆書一紙賢季諾千  
 金重寄我瓊瑤篇使得長諷誦寒松有唳鶴高梧有鳴鳳何日

謝知音為鼓商絃弄

順風呈范御史

濠州抵泗里數百長淮波平曉如席鳴擊解絳楊柳堤畫船中  
 有東吳客君思得請許歸去聊治閭里去咫尺窮窮天遠心欲  
 飛念之汲汲事行役豁如天意適我念號令西北起風伯初時  
 浙浙以鼓動布帆尚留十幅窄孤檣得勢安似平中流激箭巨  
 浪擘蒿橫櫓閣力不用疾若鷺隼增羽翮瞥然兩眼瞬霎過水  
 葉馳黃山走碧擘舟月餘今一快開樽自歌兩手拍樽中酒空  
 不自歌順風好景如之何毗陵太守同此樂為言無惜新詩多

次韻僧重喜聿琴歌

我惜所寶真雷琴絃歌軫玉徽黃金畫橫膝上夕抱寢平生與  
 我為知音一朝如扇逢秋捨而今只有無絃者無情調曲無情

宋元詩會

卷十九

存素堂



聳浩浩之中都奏雅我默彈弓師寐聽清風之中明月下子期  
有聽耳何處施自笑家風太瀟灑

次孫直言九日登龍門山

皇祐二年秋九月九日龍門遇佳節新都大夫孫隱之報政優  
游共民悅升山高會賓主俱滿頭黃菊泛茱萸遙聞醉眼極千  
里身高氣爽胃懷舒春言登臨風景異澄川秀野如披圖殊方  
真賞到奇處未來空只誇江湖嗟我江原忝民長周遭百里平  
如掌簿書役役甚囚拘聳有岷峨無計上及聳治邑茲山奇脚  
力不到神馳魂馳誰知我亦好山者篋中時復觀君詩

村居

午寢忘譏刺閒居杜送迎雨泥雙燕下烟壠一犂耕座八山光  
迥門連野色平吟餘仍兀坐誰與戰楸枰

曲館

日華烘玉甃烟縷亘雕甍棗熟房櫳暝花妍院落落明醉輕春有  
味夢短畫無情欲識惜惜意回文織已成

題九仙寺

墜果春三徑蒸雲晚一軒廊腰迴戰蟻山腹合啼猿泉淡禽窺  
影苔深屐印痕自慚名利者聊免世紛喧

向晚

向晚立汀沙人間目更賒林疎僧屋露風轉客帆斜幽白孤飛  
鳥橫紅數抹霞漁翁偶相問憐我官天涯

春日陪燕會春園亭序

為怕三春過因謀數刻狂醉輕欣射中歡甚惜歌長驕馬花間  
繫啼鶯柳下藏前旌歸去晚十里淡風光

和范御史初出都門

牘奏辭三院鄉榮領百城帝恩山嶽重臣命羽毛輕風月隨人  
好江湖照膽清須公贈金玉光照重行行

次韻孔憲山齋

訟簡歲豐盈鈴齋竟日清牕排羣石怪簷擁遠山明古木風千  
葉新鬢雪<sup>髮</sup>莖開樽向幽處餘論見文情

題靈山寺

我為靈山好登留到日曛巖幽餘暑雪鐘冷入秋雲篇詠惟僧  
助塵煩與俗分明朝八東權因得識吾文

送章<sup>岵</sup>少卿提舉洞霄宮

祕館紅塵外瑤京白石邊樽中不空酒琴面已無絃曉上朝真  
閣春耕負郭田優游大自在何處更神仙

暖風

薄袂歌雲散輕盤舞袖低簾疎蕩樓閣塵暗逐輪蹄絮亂坐楊  
道香流種藥畦春牕惱閒思一枕杜鵑啼

芳草

翠密馴文雉叢深隱畫輪離披金谷曉寂寞茂陵春古渡班荆  
客長堤走馬人芊芊似袍綠一雨一番新

入蜀江上對月

照不私毫髮波光上下浮明餘到琴淡清極入詩幽忽認江湖  
晝渾疑天地秋閒雲勿輕蔽有客坐孤舟

次韻李元芳秀才秋日旅懷

節物奚為感秋懷不自任曉寒侵遠夢秋力助高吟薄脫驚風  
葉疎春隔水砧商絃調一曲惟子定知音



憶信安五弟拊

臘殘鷓鴣洲邊過憶汝東吳住舊廬誦聖窮愁十卷外覓官留  
滯十年餘也知失意能平氣底事多時不寄書兄在松溪我荆  
楚別懷三處一欵歎

初入峽

峽江初過三遊洞天氣新調二月風樵戶人家隨處見仙源雲  
路有誰通峰巒盤岸東西碧桃李臨波上下紅險磧惡灘名幾  
許晚停征權問漁翁

同萬州相里殿丞游溪西山寺

使君呼客入山行曉經前驅照彩旌蠻女背樵巖側避野僧攜  
刺馬頭迎千層雲水迷三峽一闌人烟認百城樓閣凭餘清我  
聽竹風蕭瑟澗泉鳴

寄永倅周敦頤虞部

君去瀟溪湖外行倅藩仍喜便鄉程九疑南向參空碧二水秋  
臨徹底清詩筆不閑真吏隱訟庭無事洽民情霜鴻已到衡陽  
轉遠緒憑誰數寄毅

寄題劉詔寺丞濫泉亭

泉名從古冠齊邱獨占溪心湧不休深似蜀都入海眼勢如吳  
分起潮頭連宵鼓浪搖明月當暑迎風作素秋亭上主人留我  
語只將塵事指浮漚

過鐵山舖寄交代吳龍圖

暫留山驛又晨興西望旌麾想舊朋三院筆簪曾對直兩川兵  
印復交承年光頭鬢華如雪世態心情冷似水境上憑詩馳遠  
意青泥蚤晚入雲燈

過左縣偶成

東南再守二年間

自杭徙青

徙蜀何須問險艱入覲已違龍尾道出

麾還過鹿頭關與民共約三春樂願我我我都忘兩鬢斑歲滿乞骸

何處好仙棋一局爛柯山

鈴兵王閣使素芳亭賞梅花

素萼清香並酒卮主人勤意囑留詩為逢蜀國新開日却憶江

南舊養時春蚤未通桃李信臘殘都放雪霜姿先公舊植亭欄

外肯構重來見本枝

先司空鈴兵日始創是亭閣使復繼其職是謂有子矣

次韻程給事寓越解宇有懷

越郡江南盡不如樂天流語信非疎人從鎖闥中間出宅在蓬

越兼向郡江南言念玉符分鎮日却思瓊苑拜恩初臨風又辱詩筒

寄足見優游刃有餘

武林即事寄程給事二首

乞得錢塘下九天徙徙青社復三川坤維十往萬餘里吳分重

來七八年鑑水坐遙懷舊治柯峰歸晚媿前賢東州賴有微之

約曾寄詩筒遶百篇

七十隨緣豈有由樂天曾不厭杭州青山未隱如千里白首重

來又九秋月窟仙人遺桂子海門人物助潮頭自慚老子無心

力坐鎮吾民靜即休

次韻即事見懷

鑑水寬閒稱越國河塘繁劇是杭州蓬山君繼元丞相竹馬予

慚郭細侯郡邑豐穰真可喜人家飽煖更何憂西陵隔岸無多

遠數上臨江百尺樓

次韻前人蓬萊閣即事



蓬萊牕外曉光分夢覺初驚杜宇魂但有吏供衙府喏斷無人  
到訟庭喧濛濛宿霧開湖面隱隱更潮過海門一水兩州皆重  
鎮越清杭劇不同論

上天竺寺石巖花

對植齋齊開古梵宮欲求精筆畫難工直將春占三旬盛誰謂花  
無十日紅未羨山桃賢客笑且陪庭柏作家風徧尋他處都無  
此寶殿前頭是兩叢

謝許少卿寄卧龍山茶

越芽遠寄入都時酬唱珍誇互見詩紫玉叢中觀雨脚翠峰頂  
上摘雲旗吸多思爽都忘寐吟苦更長了不知想到明年公進  
用卧龍春色日遲遲

遊雁蕩將抵温州寄太守石牧之

霜風雙鬢雪鬢鬢物外尋真頓離凡子舍若非叨別乘我車安  
得到靈巖碧窺秋瀑心同洗紅嚼山杞口似饒多謝賢侯見招  
意數貽嘉詠與珍函

題運判霍交瞻岷閣

閣外風光滿意新諸公同上看梁岷蜀天六月雲如水梵界千  
峰雪似銀巖叟近傳多得壽羽人曾此數登真夫君不為神仙  
事早夜孜孜澤遠民

題府庭海棕

海棧棧根幹出枿櫚雙勢凌空劍外無長鎖荆榛嗟廟柏不禁風  
海棧棧庭神僧過識已千里蜀守來觀只兩株離立峩峩同壯士  
側身東望拱皇都

次蘇東遊學射山

錦川風俗喜時平上已家家出禁城射圃人稠喧畫鼓龍湫波淨照紅旌  
迎真昔詫登天虎命侶今聳出谷鶯勉為遠人民樂事使臺仍是得賢明

初入荆江

迢遞辭宸闕遷延換歲華舟纜入荆渚人覺在天涯浪激多推岬  
流濡足沸沙勢盤帆小便漲淺路頻差橫艇又魚浦搖旗賣酒家  
山微因念越江窄止通巴烟色汀蕪淡風光野燒斜蠻歌朝競唱  
祠鼓暮連搗渡口初分柳林邊未見花前程春始盛一一待詩誇

遊青城山

三十六峰峻維岷在蜀奇方行刺史部重款丈人祠凍雪諸蕃  
隔晴雲六面披訪山窮寶洞山有寶仙第五洞昔授龍之所救鬼觀豐碑泉落  
寒崖響蘿依古木垂良工存舊筆青城觀壁志孫知微名畫老叟琢新詩陟  
險齊雙屐逢幽鼓七絲盤桓不忍去還作更來期

庭梅

彼美庭楠植基培幾十年夜來全庇月曉去薄生烟萬葉光齊  
動雙株影共圓幽棲疑有鶴清響為留蟬飲對傳三雅琴依按  
七絃河陽花自媚彭澤柳空眠勢翳門闌靜幽侵几案鮮不依  
逢訟簡吟遠強成篇

書院

雨久歲書蠹風高老屋斜隣居盡金碧一一梵王家

宿峽石寺下

淮岬浮圖半倚天山僧應已離塵綠松闕暮鎖無人跡惟放鐘  
入畫船

賞春亭

滂葩浩艷滿亭隈當岬芳樽醉看來始信君恩不私物亂山窮



處亦花開

柳軒

動入和風靜惹烟翠條疎處露池蓮林中盡是能吟物春有黃  
鷓夏有蟬

徐積

字仲車山陽人孝行出于天稟三歲父死旦旦求之甚哀  
長從胡翼之學暇蘇飲水有饋之食却弗受受應舉入都  
不忍捨其母徒載而西登進士第同年生入拜其母致百  
金為壽辭之以父名石遇石則避而不踐母死七日不食  
廬墓三年雪夜伏墓側哭不絕數學士過其廬毒而泣下  
曰使鬼神有知亦當垂淚也年過五十以耳疾不能出仕  
元祐初用廷臣交薦授楚州教授遷  
和州防禦推官卒賜諡節孝官其一子

濉陽婦

嘗嘗唐李氏世號為賢妻以力營七喪世或難庶幾孰知蔡家

婦其事乃同之豈特在中饋無非而無儀孝盡于所尊慈盡  
于所卑既知義所在能終義所為我生至此極我嫁逢百罹  
其屬死殆盡其骨俱無歸身為未忘人心乃真男兒謂責當  
已任無忘須臾時乃損奉生具而為送亡資面不近膏沐首  
不加冠笄金珠鬻于市文繡容何施更無囊中裝惟存身上  
衣甚將截其髮幸免完其肌所得蓋良苦所積從細微一舉十  
八喪身自沾塗泥居者歎于室行者泣于歧鳥亦助號叫人  
願操鋤耨真真長夜魂所獲喜可知吾聞古列女犖犖無甚  
奇一死猶易處一節亦易持至于張氏者使人尤歎歎誰為  
孝婦傳誰為黃絹碑亦有淮上翁作為濉陽詩移書太史氏  
勿令茲逸遺

江南春

今年是處春風早江南地暖春逾好春風次第入江山先入梅花既芳草芳草春深似有情直共江山到洞庭落花流水武陵道湖中有山春更青斜陽西落一點明少年莫上岳陽城

述懷寄呂師

試眺關西山壁立春雲天盡長空窄濃嵐滴去渭川寒孤峰深入秦天碧白雲流水豈無情立馬吟詩定相憶且倩東風先寄聲我整西裝期已迫吟到秋風客放歸歸時待作瀟湘客

送王潛聖

公車待報凡幾年蕭生罷去心浩然鹽漬野中尋舊隱楊子江頭呼渡船太湖波浪溼秋天洞庭橘柚生紅烟馬踏新霜吳嶺外猿啼小雪建溪邊關西夫子雖遲暮行笑行吟正安步菑川海上牧羊兒解說公孫放豚處

姚黃 并序

紫霄湯翁李道源見約分吟姚黃余畏其才不敢措筆不得已而後塞命因為之序曰天下牡丹九十餘種而姚黃居第一其名雖千葉而實不可數或累計萬有餘英不然不足高一尺也花肉既重其梢下屈如一器斂側之狀此亦花之臣美而精傑者乎是宜見于詩而不可泯然使寂寞也

黃河南畔伊川北姚家宅是真花窟古來多少豪華兒埋却千鶯萬鶯骨中央精粹得之多西方秀氣來相和天與明光常借日水宮暗脉正通河春風如酒半酣時誰教穀雨報花期司馬坂前嬌前半啟洛陽城內人俱知姚家門巷車馬填牆頭墻下人羞肩花上紅綃都蔽日花傍翠幕恰如烟玉面兒來爭供帳錦袍郎去鬪拋錢無人不說姚花好費却春功亦不少日長風暖



綠梢低坐上金仙因將倒麴塵餅劑和香檀何以貯之承露盤  
爛錦脫來嫌太艷鮮衣染就欲驂鸞君看此花肌肉豐一尺餘  
高千萬重妝面深藏青步障寶冠斜墮碧霞叢步搖好稱釵鳳  
凰玉珮屏佩珠鳴璫帝女何緣心好道阿嬌安用金為房紺窠  
累棲舒雁雖沈烟噴出狡狴爐一種養成餘意態千花瘦盡春  
肌膚峨峨一器敬且傾覆杯難辨鐘與觥染以鮫綃求正色叩  
之玉挺希宮聲魏家紫共牛家碧迭霸花中聳高格如今俯首  
甘下風九十種中為第一此花莫似武昭儀出得宮來不畫眉  
情貌欲為狐媚態衣裳却是比丘尼楊妃本是傾城身脫却紅  
襦號太真河水欲濡頭上髻馬嵬猶著舊時裙物色一定猶可  
疑人心作變宜難知容易莫評真與欺貌或如是心或非君不  
見老莊有深意萬物之中最防偽

贈張敏叔

張子生平最多難未老頭毛白一半頭雖更白詩更清正作詩  
時人莫喚頭不肯轉身不移口中聲調霜風淒太清宮殿月明  
時第一莫吹松竹詞

答范君錫

報湯翁無錢可沽酒青衫典不得黃卷賣不售借問公田中秫  
米種幾斗休管將來旱與水莫為妻兒種粳米兄來留下二萬  
錢送與酒家主人未不然何計見春風空將花插白頭翁薄書  
營營幾時了何如載酒訪揚雄

哀哀詞

哀哀復哀哀哀至極孤兒與慈母中路忽相失恍惚須臾  
間終日不復得誰復坐我堂誰復入我室誰復飲兒酒誰復哺



兜食兜飢復誰念兜寒復誰恤耳不聳慈語目不見慈色譬如  
行路人日遠如一日行人猶可期遠道猶可追天窮地盡處一  
日猶可歸哀哀復哀哀此去無盡時誰言生離別不如死別離  
君不見人已閉門鳥已棲黃昏塚畔孤兒啼

富貴篇答李令

我有一筒詩寫出千年意將令後世觀不是前言戲感君再唱  
洞庭詩我亦重歌酬子惠古人達者嘗有異姓王一門五侯三  
將軍弟兄同入中書堂對開大第連幾坊私門立戟森鋒鏑十  
二簾捲珠熒煌雙姬扶起坐牙床綠鬟紅花成行行左盼右顧  
生春陽高車食客劍佩鏘堂上已滿坐兩廊巨鑊大鼎烹牛羊  
玉壺把酒金船長美人拜客求盡觴歌姬一誤已絕吮纏頭彩  
幣堆如岡酬歌買笑金鴛鴦奴袍火浣直兩箱三千殷馬紅錦

障廁帷文繡爐熏香更衣侍妾如閨房主人意氣秋鷹揚其心  
端如彩鳳凰一言合意青雲翔須臾睚眦磨刀鎗門前臘月可  
烘裳一日失勢成水隍小者腰領屍道旁大者連頸宗族亡犬  
鷄散盡空遺墻野馬入室山魃藏嗚呼哀哉可歎傷至死不悟  
猶陸梁古來如此有多少豈似洞庭湖上老無租無稅一生閒  
有飯有魚一杯飽日落坡間烟正昏雲開湖口山光曉權翁適  
自巴陵回掛帆直指瀟湘道有言不問俗窮通何憂可入翁懷  
抱修竿短櫂已自足更有前村一茅屋賣魚沽酒任醉醒繡戶  
朱門自歌哭嗟余未往心先慕更謝權翁詢去住風前月下有  
誰知醉魄吟魂自來去堂前畫作荆南圖夢中記得巴陵路

送端叔并序

夜漏將盡枕上再送端叔也洛水之陽馬上為我誦此詩即



此詩用木葉書投之水中便為將來故事也延安塞上見羣雁能為我誦此詩東南望否夜中枕上聳孤雁聲尤數數誦此詩也紙窮意未盡

端叔上馬去巷口馬頭轉我喚端叔時端叔急回面記取此時意莫使落風埃上東門外水正望楚州來此水一來不復見不及黃沙塞頭雁

送李昂長官

征南兵勢欲平蠻軍聲殺氣秋風寒南國此時霜霰早八月草黃楓葉丹江有渚兮山有麓君向洞庭何處宿四垂天幕亂波平九嶷山送愁嵐綠日斜葉落黃陵祠月明風起清湘竹愁娥遠放峽雲來冤臣暮借江聲哭雁號孤喙度蒼梧猿叫哀腸抱霜水此行正合風騷情縣衙仍在衡山足

柳絮二首

君看青絲葉開花輕棄捐臨風競離別就地忽團圓孤客正心亂浮雲來馬前灞橋逢杜甫老淚更潸然從條徒自重狂絮去何之禁籞穿花樹春江撲酒旗因風無定意著物有閒時謝韞何為者深情在雪詩

寄張景修

東南未回客行樂又經年吳市花朝酒松江月夜船窮闔無屋住廣殿有詩傳若論平生事無如任自然

漁者

家住前村蘆葦中一生無事是漁翁眼看波浪如平地身向江湖若斷蓬小艇醉眠寒夜雨短帆閒挂夕陽風營營市井應相笑不道刀錐盡是空

送倪敦復

手持報簡人歸後足步迴廊角住教但恐舟行隨早晚此時秋色半晴陰明朝露向雲邊望今夜詩須枕上成四壁無燈窗有月直無老夢到三更

夜賞春寄敦復

莫道山陽官辛苦大夫未是不閒人晝來琴上披尋曲夜入花間點檢春花袂帶歸香滿袖迴燈引去蝶隨身才高自有風流格吟作吳謠車最新

寄路倅洪澤阻水

莫教容易過龜山多少人心願復還更有南城黃綬客但吟西戶綠楊間纔經濁汴無澄浪且趁清淮洗醉顏安得就公歌一曲緩吟遲步夕陽灣

華陽山和查教授

玉井温温浸月華幢幢松檜聳高華半峰已斷人間路絕頂自開天上花可恨白雲吟處起何堪行路望中賒怪來得似希夷子借問如今有幾家

寄穎叔

南郭茶杯菊未香西簷老柳覺疎黃家無縣令雙鳧鳥夢有仙人五色羊梅信易傳來嶺北雁書難附過衡陽定知遠俗懷公益若說威名背負芒

鮮于侁

字子駿閬州人性莊重力學舉進士為江陵司理參軍同里唐介稱其名于上官交章論薦調黟令通判縣州以廉幹著從何邗辟簽判永興神宗詔求直言先陳十六事神宗愛其文除利州路轉運判官上書論時政訛切王安石安石屢毀之賴上知得免凡居部九年徙京東西路為轉通使元豐三年召對命知揚州為舉吏所累罷主西京御



史臺哲宗立復以先使京東士民相慶如見慈母召為太常少卿議配享神宗力主富弼拜左諫議在職三月以疾求去知陳州年六十九先刻意經術尤長于詩詞孫明復蘇子瞻皆嘆服以為不可及云

雜興 三首

幽居觀物變天道固虛盈  
矢猷日方熾微陰一已生  
涼風動野草桃李先飄零  
蜩蟬集高柳絡緯響空庭  
愁心獨耿耿宵夢竟難成

一氣幹元造為未嘗煩羣生  
自委化天地亦何言鳧脰不可增  
楮葉不可鑄欲益固為損勞心非自然  
不見平陽侯醇酒聊終年

三王貴養老取重在乞言酒醴副佳有  
黃髮斯皤然朝廷本忠厚風俗亦變遷  
豈意漢道微侍中惟少年耆舊無備問  
李公所以歎

新堂夜月色皎然由連理亭信步庭中徘徊久之因為五言一首

秋風動微涼天雨新霽後  
閒齋獨隱几明月在高柳  
振衣步庭下顥氣入襟袖  
天空雲漢明隱約辨列宿  
蒼蒼松檜上零露霏欲流  
脫葉滿閒園繁華迨<sub>衰</sub>朽  
朽清霄望蟾彩宜付一杯酒  
多病謝尊壘城頭轉寒漏

王回

字深甫福州侯官人敦行孝友質直平恕而不為小廉曲謹以希譽舉進士為衛真簿稱病自免退居穎州久之不仕治平中擢忠武軍節度推官知南頓縣命下而卒其弟向字子直亦有文名

悠悠西江水送李殿丞<sub>有序</sub>

殿中丞李侯清叔莞穎之酒事三年入朝闕下將別其往還  
寮友皆索言馬長樂王回辱清并之交最淡而慕其才志魁

特將有以成功名于世也以謂挾此才潛此志者第循其本  
 而完之則物之應者自廣然功名之成否豈足道哉故作悠  
 悠西江水詩一章以興其義塞清泠之索而聊寫其意云  
 悠悠西江水浩浩拍兩涯深瀼食淵潭澄澄露陂池介鮮育性  
 命跳泳各適宜人謀濟任途航楫又沿洄飄風吼天地白浪相  
 翻飏旁觀駭非常水德自不虧風收浪還恬狎者終何疑賢豪  
 應世務本亦有茲劉明發其用愷悌以成之物外雖橫來我  
 心固如夷功名豈足請監江水詩

邢居實

字敦夫隨州人負俊才早世  
 黃魯直極稱其詩有呻吟集

寄陳履常

十年客京洛衣袂多黃塵所交盡才彥惟子情相親合歡能幾

日歡樂何遽夾春風東北來飄我西南翔驪駒已在門白日行  
 且晚停觴不能飲將去更復返把腕持鬢鬚啼悲類兒女人生  
 非鹿豕安得常羣聚朝別河上梁暮涉關山道匹馬逐飛蓬離  
 恨如春草去去日已遠行行淚橫臆昨日同袍友今朝離鄉客  
 來時城南陌始見梅花白回首漢江頭黃梅已堪摘杖策登高  
 城極目迴千里落日下青山但見白雲起遠望豈當歸長歌涕  
 如雨歸心如明月幽夢過潁汝抱膝長相思故人安可見忽枉  
 數行書彷彿如對面紛紜輦轂下冠蓋爭馳逐吹噓多賢豪肯  
 復念幽獨空齋聽夜雨深竹聳子規此情不可道此心君詎知  
 雨後出城馬上作

既雨天氣佳微雲淡如掃欲尋烟際鍾騎馬河邊草紫椹飽黃  
 鸝人家夏蠶老田婦踏練車隔離語音好嗟我一何愚讀書浪



枯槁不及此中人終年客長道

宋元詩會

皖桐陳

焯默公輯選

後學程

仕松皋叅較

曾鞏

字子固建昌南豐人其生而警敏讀書脫口成誦年十二試  
 作六論援筆而成其辭甚偉甫冠名聲四方歐陽修見其  
 文奇之中嘉祐二年進士第調太平州司法參軍召編知  
 館書籍遷校勘集賢校理為寔錄翰林閣官出通判越州知  
 齊州治行卓然徙襄州洪州加直閣閣神宗召見勞問  
 滄三州鞏負才名久外任也泊如過闕神宗名見勞問  
 甚寵遂留判三班院加史館修撰編國史弗克成拜中書  
 舍人尋掌延安郡王殿前丁母艱數月卒年六十五鞏中書  
 章本原六經之延譽及安石遷韓愈一時者鮮不能過之少  
 交王安石為之延譽及安石遷韓愈一時者鮮不能過之少  
 者亦由失意于呂公著云

讀五代史

唐哀匪一日遠自開元中尚傳十四帝始告歷數窮由來根本  
 强暴戾豈易攻嗟我梁周間卒莫相始終興無累世德滅若燭

向風當時積薪上曾寧廢歌鐘

詠史二首

京室天下歸飛甍無餘地國士憂社稷塗人養聲利貴賤競一時  
峨冠各鱗次子龍獨幽遠聘召漠無意  
子雲無由歸俯首天祿閣君平獨西南抗顏觀廖廓無猜到沈  
冥有故驚寂寞用心豈必殊拘肆事終若

雜詩二首

三季已千載古道久荒榛紛紛東漢士飛鳴不當辰經營救氛  
沴此志卒埃塵士生有進退何必棄其身其道雖褊迫其行絕  
緇磷公心不吾誑復求無道此人  
韓公綴文辭筆力及天授竝驅六經中獨立千載後謂為學可  
及乃不覺驚縮手如天有日月厥曜無與偶當之萬象瑩所照百

怪走此其自然光萬物安得有其人雖已歿其氣著星斗窮天  
破大惑更覺功業久當身止自善所遇時則否致官九列齊此  
理嗟亦苟孔孟非其傳斗祿應未取惜哉天下才甘受外物誘

將之江淞延祖子山師柔會別飲散獨宿孤亭遂書懷別  
蜀客向何處欲觀浙江潮艤舟吳門柵况會故人招置酒吳亭  
上無人吹紫簫浩觀萬物變颯爾生涼颼遂恐時節晚芳蘭徒  
此凋功名竟安在富貴空寥寥

令弟南源刈稻

買田南山下禾秀忽已秋糟牀待此注豈止衣食謀窮陰迫霜  
霰不可遲擘收久苦城中囂至山諒優游况已除險穢新堂置  
崑幽牕軒衆峰出階墀水淙流良材未成種草樹亦已凋寒花  
開照耀谷鳥樂啾啾心與珍境接佳興固已道而况饋朝夕甘



美日可搜晝務誠遺滯夜工替春榆因觀稼穡勞始覺春養優  
此樂詎非幸人生復何求送子固自起往意不可留

庭木

庭中有佳樹清影四面垂往往風雨夜蛟龍此投依留之待鷺  
鳳未許燕雀窺誰謂烏鳥惡安巢最高枝不顧白日照直傍陰  
虹飛自恃棲託穩豈憂彈射危三春獨翱翔百鳥斂羽儀鳳凰  
不能爭况乃鳧雁微既務志意得都為世可欺白晝攫鼎肉從  
容擇牲犧近人不肯避一怒終夜啼遭其瞰牆屋禍患豈可移  
聽之欲占赦婦女固已癡忍害乃其所何肯報福釐行路指之  
嘆童稚爭罵訊衆怒未易忽微幸亦有斯安知無力斧崩分棄  
毛皮

追祖

耕耨筋力苦收刈田野樂鄉鄰約來往樽酒追酬酢生涯給俯  
仰公斂忘厚薄胡為此歲暮老少顏色惡國用有緩急時議廢  
量度內外奔氣勢上下窮割剝今歲九夏旱赤日萬里灼陂湖  
感埃塏禾黍死磽确衆期必見省理在非可畧謂須倒廩賑詎  
止追租閣吾人已迫切此望亦迂邈奈何呻吟訴卒受鞭箠却  
寧論救憔悴反與爭合龠問胡應驅迫久已罹匱涸計須賣強  
壯勢不存尪弱去歲已如此愁呼徧郊郭飢羸乞分寸斯須死  
笞縛法令尚修明此理可驚愕

秋夜

秋露隨節至零零在幽篁灑氣入我牖蕭然衾篔簹涼念往不能  
寐枕書嗟漏長平生肺腑友一訣空餘床况有鵲巢德辛苦茹  
糟糠借老遂不可輔賢真淼茫家事成獲落嬌兒亦徬徨晤言



豈可接虛貌在中堂清淚昏我眼沈憂回我腸誠知百無益恩義故難忘

過介甫歸偶成

結交謂無嫌忠告期有補直道詎非難盡言竟多迂知者尚復然悠悠誰可語

萬山

萬山臨漢皋峰嶺頗秀發王粲舊居處荒草久埋沒解佩蓋已迷沈碑終自伐最宜北城望正值氛藹歇縹緲出烟雲清明動毛髮留連至歸時長見西林月

漢陽船舟

暫泊漢陽不登黃鶴樓江含岷岷氣萬里正東流驚風孤雁起蔽日寒雲浮祗後雖遠道放懷成薄游興滄洲發事等風魚樵

幽烟波一尊酒盡室載扁舟

初夏有感

我從得病卧間巷三見夏物爭滋榮紅英紫萼逐風盡高榦密葉還陰成山亭水館處處好朱碧萬寔相駢擊林鳥梁燕各生子翅羽已足爭飛騰雉雞五色繡新翮鷓鴣慕匹相隨鳴穴蜂露蛭亦有類歛往復聚何翔輕箔蠶滿室事方盛繭綴下上如連星麥芒秧穎錯襟出高壠大澤填黃黃物從草木及蟲鳥無一不自盈其情嗟我獨病不如彼胃氣卧立常怛怛筋酸骨楚頭目眩強食豈得肌膚盈我身今雖落衆落我志常欲素軻卿十年萬事常坎壈奔走未足供黎羹愁勤未老鬚先白多學只自為身兵自然感病億形體後日雖復應伶俜非同世俗頽顏色所慕少壯成功名但令命在尚可勉屑細詎足傷吾平



送叔延判官

北風吹空雪花冷平鋪雲濤冒峰頂江長水濶飛鳥絕沙樹叅  
差動波影君子從戎碧油下綠髮清瞳笏袍整危帆健槽醉中  
去千里奔走猶一頃明年隨春到京國紅紫燒空折桃杏獻書  
又謁蓬萊宮新斲豪曹試鋒穎况遇朝廷方急材驥駉駉足  
當聘

地動

吾聳元氣判為二升降相輔非相傷今者無端越疆畔陰氣熾  
熾侵于陽陽收剝明避其勢陰負捷勝尤倡佯地乘是氣抗于  
下震盪裂折乖其常齊秦晉代及荆楚千百其堵崩連墻隆立  
傑屋不自定翩若猛吹搖旗幢生民洶洶避其所如寄厥命于  
湖江有鼓四出嘻可怕誰擊萬鼓何雷礮陰為氣靜乃如此天  
意味密寧能詳或云蠻荒尚侵軼已事豈必垂灾祥意者邪臣  
有專恣氣象翕翕難為當據若此非臆決皎如秋日浮青霜祖  
宗威靈陛下聖安得直語聳明堂

戲書

家貧故不用籌算官冷又能無外憂交遊斷絕正當爾眠飯安  
穩餘何求君不見黃金滿贏要心計大印如斗為身讐妻孥意  
氣賓客附往往主人先白頭

芙蓉臺

芙蓉花開秋水冷水面無風見花影飄香上下兩嬋娟雲在巫  
山月在天清瀾素礫為庭戶羽蓋霓裳不知數臺上遊人下流  
水柱脚亭亭挿花裏闌邊飲酒榼酒歌臺北臺南花正多莫笑  
來時常著屐綠柳墻連使君宅

京師觀音院新堂

九衢言語亂人耳三市塵沙眯人目猿狙未慣囊章綬魚鳥寧  
忘慕谿谷悵無棲宿在溪曠欲弄潺湲愈煩燥道人誰氏斥佳  
境決漢披霄敞華屋駢羅嶷嶷三秀石叢迸娟娟兩修竹雲蒸  
雨泄被巖壑海倒河垂動林麓頓驚俛仰遠囂濁豈直形骸擺  
羈束解衣堅坐瞑忘返飲水清談心亦足

曉出

曉出城南羅卒乘阜轟采旗密相映貔貅距躍良家子鵝鶴彌  
縫司馬令奪標一一飛步疾槃槃兩兩翻身勁壩上今朝且兒  
戲衛青異日須天幸

送英州蘇祕丞

遠民歌舞戴昇平碧閣朱樓照眼明鄉饌兩餘收白草客罇秋

後對紅英瀧鳴真水遙通海路八南山不隔城材術如君有餘  
暇出遊應數擁雙旌

送陳郎中還京兼過九江新宅

艤舟金碧照溪沙帆上風吹五兩斜罷郡紫泥催向闕過江紅  
旆引還家因將舊人社攜酒應喜新林樹見花莫作山齋久留意  
中臺虛位有清華

盃池

環環清泚早猶深柄柄芙蓉近可尋蒼壁巧藏天影入翠奩微  
帶蘚痕侵能供水石三秋興不負江湖萬里心照影獨憐身老白  
日添華髮已盈簪

簡翁都官

倦遊公府曳長裾笑上扁舟指舊廬自有文章真杞梓不須雕



琢是璠璣浮蛆滿瓦當春酒垂露臨牕理素書况得君賓同壯  
鄧一鄉清問更誰如

送雙漸之漢陽

楚國封疆最上流夾江分命兩諸侯何年南狩雲樞出六月西  
來雪浪浮夏口樓臺供夕望秦川風物待春遊可能頻度漁陽  
曲不負當年鸚鵡洲

送覺祖明上人

冠石新墻日月回豐堂環殿起雀兔鐘隨秋勢金鼓壯佛隱寒  
雲玉坐開流水遠奔雙去平林高擁四山來麒麟細草東南路  
一望松門意轉哀

送撫州錢郎中

名郎元是足風流得郡東南地更幽翠幕管絃三市晚畫堂烟

雨五峰秋黃柑巧綴星垂檻春稻勻翻雪滿甌應與謝公資健  
筆邦人才薄詎能酬

簡景山侍御

長年心事最相親一笑相踈忽數旬柏府地嚴方許國芸臺官  
冷但容身飢腸漫竊公廚膳病髮難堪客舍塵還有鹿門棲宿  
興想君他日肯為鄰

遊天章寺

藍輿朝出踏輕塵拂面穆穆柳色新曲水豈能留往事南湖空  
解照行人最宜靈運登山屐不負淵明漉酒巾老去飄零心未  
折暫須同醉海還春

錢塘上元夜祥符寺陪咨臣郎中文燕席

月明如畫露華濃錦帳名郎笑語同金地夜寒消美酒玉人春

困倚東風紅雪燈火浮滄海碧水樓臺浸遠空白髮蹉跎歡意  
少強顏猶入少年叢

雪後同徐祕丞皇甫鄧推孔教授北園晚步

沙草正黃瀕海意江梅還白故園情循除遠水春前急繞郭空  
山雪後明林影易斜寒日短角聲吹去暮雲平最慚佳客忘形  
契冑伴衰翁著屐行

凝香齋

每覺西齋景最宜不知官是古諸侯一尊風月身無事千里耕  
桑歲有秋雲水醒心鳴好鳥玉沙清耳漱寒流沈烟細細臨黃  
卷疑在香爐最上頭

次道子中書問歸期

竊食東州歲末期蓬萊人問幾時歸凭闌到處臨清泗開閣終  
朝對翠微兩印每閒軍市靜雙旌多偃送迎稀一枝數粒身安  
穩不羨雲鵬九萬飛

酌突泉

一派遙從玉水分暗來都灑歷山塵滋榮冬茹溫常蚤潤澤春  
茶味更真已覺路傍行似鑑最憐沙際涌如輪曾城齊魯封疆  
會况託娥英託世人

金山寺

嶺

塵外苔荒鷲峰宮架虛排險出青紅林光巧轉滄波上海色遙  
涵白日東夜靜神龍聽呪食秋深蒼鶻起搏風連荆控蜀長水  
水盡在回廊顧盼中

昇山

修竹長松十里陰任敦燒藥洞門深獨窺金殿驚人語能到青



霞出世心鷄犬亦隨雲外去蓬瀛豈必海中尋丹樓碧閣唐朝  
寺鐘唄香花滿舊林

玄沙寺

昇山南下一峰高上盡層軒未覺勞際海烟雲常慘淡入冬松  
竹更蕭騷經臺日永銷香篆講席風生落塵毛我亦有心從自  
得琉璃瓶水照秋毫

送鄭州邵資政

江夏無雙譽蓄川第一才笑談成黼藻咳唾落瓊瑰紫氣鋒鉞  
露青真羽翼開雋遊追幕府高步集蓬萊探討篇章洽研磨術  
業該九霄新漢邸萬目注梁臺選擇真儒用招延急詔催衣冠  
驚用綺賓友重郵枚每石橫經席寧虛置醴杯八荒披日月萬  
里散雲雷始去東山榜俄參北斗魁廟堂奇計<sup>得</sup>衆 驚心推

帝念人求舊朝須汝作梅避榮言屢切請外志難回際海歸謀  
略連吳八剗裁夕冰承命出畫錦過鄉來許國風猶壯容民宇  
量<sup>既</sup>開節旄恩換鎮京室地稱陪賜覲親中宸通班接上台壺漿  
空度洎公位在三槐

憶越中梅

浣沙亭北小山梅蘭渚移來手自栽今日舊林冰雪地冷香幽  
艷向誰開

霧淞

園林初日靜無塵<sup>風</sup>霧淞花開處處同記得集英深殿裏舞人齊  
挿玉籠鬆

詠柳

亂條猶未變初黃倚得東風勢便狂解把飛花蒙日月不知天

地有清霜

蘇軾

命才諭舍州宗得書廣官憂制理丁乙修冠為程字  
 坐但以人請憐逐極進告熙誥評母科得博滂氏子  
 賜未優賜就之請論人院寧宰相判閣書論通許以  
 茶及權緋食安外新太神二相韓琦翔調府昌主梅堯  
 撤進出遷常置通法銳宗名見朝請王緩之宗自藩  
 御用先帝書舍人尋除每誦學士為相王珪等所  
 前卿意舍人先帝每誦學士為相王珪等所  
 金耳曰先帝每誦學士為相王珪等所  
 蓮軾曰先帝每誦學士為相王珪等所  
 燭不先帝每誦學士為相王珪等所  
 送覺帝每誦學士為相王珪等所  
 歸哭每誦學士為相王珪等所  
 院失誦學士為相王珪等所  
 積教誦學士為相王珪等所  
 以宣文士為相王珪等所  
 論仁章對部郎中遷移居汝神  
 事與必對部郎中遷移居汝神  
 為哲嘆曰奇才奇后居汝神  
 當宗亦泣奇后居汝神  
 軸亦泣奇后居汝神  
 者泣奇后居汝神  
 所泣奇后居汝神

恨請外知杭州人德之家有畫像飲食必祝召為吏  
 部尚書以弟轍除右丞改翰林承旨復出知穎州徙揚州  
 未幾用兵部尚書召兼侍讀宣仁廟起紹聖親政國事浸變  
 以兩學士出知定州自是斥不起紹聖初安置惡州  
 再敗居昌化徽宗立移廣州改舒州團練副使徙永州更  
 三大赦還提舉玉局觀卒于常州年六十贈文師謚文  
 忠

司馬君實獨樂園

青山在屋上流水在屋下中有五畝園花竹秀而野花香襲杖  
 履竹色侵杯竿樽酒樂餘春暮局消長夏洛陽古多士風俗猶  
 爾雅先生卧不起冠蓋傾洛社雖與眾與樂中有獨樂者才全  
 德不形所貴知我寡

秋懷

苦熱念西風常恐來無時及茲遂淒凜又作徂年悲蟋蟀鳴我  
 林黃葉投我惟牕前有棲鵬夜嘯如狐狸露冷梧葉脫孤眠無



安枝媚媚亦求偶高屋飛相追定知無幾見追此清霜期物化  
逝不留我興為嗟咨便當勤秉燭行樂戒暮遲

湖上夜歸

我飲不盡罷半酣尤味長籃輿湖上歸春風吹面涼行到孤山  
西夜色已蒼蒼清吟雜夢寐得句旋已忘尚記梨花村依依聳  
暗香

虎丘

八門無平田石路穿細嶺陰風生澗壑古木翳潭井湛盧誰復  
見秋水光渺渺鐵花秀巖壁殺氣噤蛙黽幽幽生公堂左右立  
頑礦上下或未信異類服精猛胡為百歲後仙鬼互馳騁東軒  
有佳致雲光麗千頃熙熙覽生物春意破淒冷我來屬無事霽  
日相與永喜鵲翻初旦愁禽蹲落景坐見漁樵還新月溪上影

悟彼良苦哈歸田行可請

與王郎昆仲及兒子邁遠城觀荷花登峴山亭晚入飛英

寺二首

清風定何物可愛不可名所至如君子草木有嘉穀我行本無  
事孤舟任斜橫中流自偃仰適與風相迎舉杯屬浩渺樂此兩  
無情歸來苔雪間雲水夜自明

吏民憐我懶鬪訟日已稀能為無事可作不病歸復尋飛英遊  
盡此一寸暉撞鐘履屐集顛倒雲山衣我來無時節杖履自  
推扉莫作使君看外似中已非

寒食雨二首

自我來黃州已過三寒食年年欲立春春去不容惜今年又苦  
雨兩月秋蕭瑟卧葦海棠花泥汗胭脂雪

春江欲入戶雨勢來不已小屋如漁舟濛濛水雲裏空庖煮寒菜破竈燒溼葦那知是寒食死灰吹不起

別歲

故人適千里臨別尚遲遲人行猶可復歲行那可追問歲安所之遠在天一涯已逐東流赴海歸無時東鄰酒初熟西舍羸亦肥且為一日歡慰此窮年悲勿嗟舊歲別行與新歲辭去去勿回顧還君老與衰

罷徐州往南京馬上走筆寄子由

父老何自來花枝嫋長江紅旆拜馬前請壽使君公前年無使君魚鼈化兒童舉鞭謝父老正坐使君窮窮人命分惡所向招灾凶水來非吾過去亦非吾功

東坡二首并叙

余至黃二年日以困匱故人馬正卿哀余之食為于郡中請故營地數十畝使得躬耕其中地既久荒為茨棘瓦礫之場而歲又大旱墾闢之勞筋力殆盡糶耒而嘆乃作是詩自愍其勤庶幾來歲之人以忘其勞焉

荒田雖浪奔高庫各有適下隰種杭秫東原時棗栗江南有蜀士桑果已許乞好竹不難栽但恐橫逸仍須卜佳處規以安我室家童掃枯草走報暗井出一飽未敢期瓢飲已可必

潘子久不調沽酒江南村郭生本將種賣藥西市垣古生亦好事恐是押牙孫家有十畝竹無時客叩門我窮交舊絕三子獨見存從我于東坡勞餉同一餐可憐杜拾遺事與朱阮論吾師卜子夏四海皆弟昆

孫莘老寄墨四首



徂徠無老松易水無良工珍材取樂浪妙手惟潘翁魚胞熟萬  
杵犀角盤雙龍墨成不敢用進入蓬萊宮蓬萊春書永三殿明  
房櫳金箋洒飛白瑞霧縈長虹送憐醉常侍一笑開天容

谿石琢馬肝剡藤開玉版嗑嗑雲霧出奕奕龍蛇縮此中有何  
好秀色紛滿眼故人歸天祿古漆窺蠹簡隄廩給尚方老手擅  
編刻分餘幸見及流落一嘆赧

我貧如飢鼠長夜空齧齧瓦池研竈煤葦管書柿葉近者唐夫  
子遠致鳥玉玦先生又繼之圭璧爛箱篋清牕洗硯坐蛇蚓稍  
蟠結便有好事人敲門求醉帖

吾窮本坐詩久服朋友戒五年江湖上開口洗殘債今來復稍  
稍快癢如爬疥先生不譏訶又復寄詩械幽光發竒思點黠出  
荒怪詩成一自笑故疾逢鰕蟹

僕所藏仇池石希代之寶也王晉卿以小詩借觀意在于奪  
僕不敢不借然以此詩先之

海石來珠宮秀色如蛾綠坡陀尺寸間宛轉陵蠻足連娟二華  
頂空洞三節腹初疑仇池花又恐瀛洲感慙嶠南使餽餉淮  
東牧得之喜無寐與汝交不瀆盛以高麗盆藉以文登玉幽光  
先五夜冷氣壓三伏人生如寄衡茅久未卜一夫幸可致千里  
還相逐風流貴公子竄謫武當谷見山應已厭何事奪所欲  
欲留嗟趙弱寧許負秦曲傳觀慎勿許間道歸更速

遷居 有序

吾紹聖元年十月二日至惠州寓合江樓是月十八日遷于  
嘉祐寺二年三月十九日復遷于合江樓三年四月二十日  
復歸于嘉祐寺時方卜築白鶴之上庶幾其少安乎

前年家水東回首夕陽麗去年家水西溼面春雨細東西兩無  
 擇緣盡我輒遊今年復東徙舊館聊一憩已落白鶴峰規作終  
 老計長江在北戶雪浪舞吾砌青山滿墻頭髮鬢幾雲髻雖慚  
 抱朴子金鼎陋蟬蛻猶賢柳柳州廟俎薦丹荔吾生本無待俯  
 仰了此世念念自成劫塵塵各有際下觀生物息相吹等蚊蚋  
 聳鄰舍兒誦書欣然而作

幽居亂蛙黽生理半人禽楚然已可喜况聳弦誦音兒戲自圓  
 美誰家兩青衿且欣習齊味未敢笑越吟九齡起韶石姜子家  
 日南吾道無南北安知不生今海濶尚挂斗天高欲橫參荆榛  
 短牆缺燈火破屋深引書與相和置酒仍獨斟可以侑我醉琅  
 然如玉琴

和陶飲酒二首

道喪士失已出語輒不情江左風流人醉中亦求名淵明獨清  
 真談笑得此身如受風竹掩冉衆葉驚俯仰各有態得酒詩  
 自成  
 蠢蠕食葉蟲仰空慕高飛一朝傳兩翅乃得粘網悲啾啾厭巢  
 雀沮澤疑可依赴水生兩殼遭閉何時歸二蟲誰是一笑百念  
 哀幸此未化間有酒君莫違

和陶止酒

丁丑歲余謫海南子由亦貶雷州五月十一日相遇于藤同  
 行至雷六月十一日相別渡海余時病痔呻吟子由亦終夕  
 不寐矣誦淵明詩勸余止酒乃和元韻因以贈別庶幾真止

矣觀此序則知子瞻至雷州經過信宿惜別惠曾未飽  
 諸雷俗共居雷雜詠當屬秦淮海不應更入蘇詩也

時來與物逝路窮非我止與子各意行同落百蠻裏蕭然兩別



駕各攜一稚子子室有孟光我室惟法喜相逢山谷間一月同  
卧起茫茫海南北粗亦足生理勸我師淵明力薄且為己微痾  
坐杯勺止酒則瘳矣望道雖未濟隱約見津涘從今東坡室不  
立杜康祀

和陶擬古三首

有客叩我門繫馬門前柳庭空鳥雀散門閉客立久主人枕書  
卧夢我平生友忽聳剝啄散驚散一杯酒倒裳起謝客夢覺兩  
愧負坐談雜今古不荅顏愈厚問我何處來無何有

客去室幽幽鵬鳥來坐隅引吭伸兩翮太息意不舒吾生如寄  
耳何者為我廬去此復何之少安與汝居夜中聳長嘯月露荒  
榛蕪無問亦無荅吉凶兩何如

黎山有幽子形槁神獨完負薪入城市笑我儒衣冠生不聳詩

書豈知有孔顏翛然獨往來榮辱未易闕日暮鳥獸散家在孤  
書端問答了不通歎息指屢彈似言君貴人草奔棲龍鸞遺我  
吉貝布海風今歲寒

和鮮于子駿鄆州新堂月夜

明月入華池反照池上堂堂中隱几人心與冰月寒涼風螢已  
迹露草時有光起觀河漢流步屨響長廊名都信繁會千指調  
絲簧先生病不起童子為燒香獨作五字詩清絕如韋郎詩成  
月漸側皎皎兩相望

屈原塢

楚人悲屈原千歲意未歇精魂飄何處父老空哽咽至今滄江  
上投飯救飢渴遺風成競渡猿叫楚山裂屈原古壯士就死意  
甚烈世俗安得知眷眷不忍決南賓舊屬楚山上有遺塢應是

奉佛人恐子就淪滅此事雖無憑此意固已切古人誰不死向必較考折名聲寔無窮富貴亦暫熱大夫知此理所以持死節

枸杞

神藥不自悶羅生滿山澤日有牛羊憂歲有野火厄越俗不好事過眼等茨棘青莢春自長絳珠爛莫摘短籬護新植紫荀生卧節根莖與日寔收拾無棄物大將玄吾髮小則餉我客似聳朱明洞中有千歲質靈虜或夜吠可見不可索仙人倘許我借仗扶衰疾

讀孟郊詩

愛君銅斗歌鄙俚頗近古桃弓射鴨罷獨速一作短蓑舞不憂踏船翻踏浪不踏土吳姬霜雪白赤脚浣白紵嫁與踏浪兒不識離別苦歌君江湖曲感我長羈旅

與客遊道場何山

清溪到山盡飛路盤空小紅亭與白塔隱見喬木杪中休得小菴孤絕寄雲表洞庭在北戶雲水天渺渺高天儼設設禪室各深窈奔泉何處來華屋過溪沼何山隔幽谷去路清且悄長松度翠萼絕壁挂啼鳥我友自杭來尚嘆所歷少明朝已陳迹清景墮空杳

寄道士并序

羅浮山有野人相傳葛稚川之隸也鄧道士守安山中有道者也嘗于菴前見其足迹長二尺許紹聖二年正月十日予偶讀韋蘇州寄金椒山中道士詩依韻寄之

一杯羅浮春遠餉採薇客遙知獨酌罷醉卧松下石幽人不可見清嘯聳月夕聊戲菴中人空飛本無迹



焦千之求惠山泉詩

茲山定空中乳水滿其腹遇隙則發見臭味實一族淺深各有  
 值方圓隨所蓄或為雲洶涌或作綫斷續或鳴空洞中雜佩間  
 琴筑或流蒼石縫宛轉龍鸞感竒罌走四海真偽半相瀆貴人  
 高宴罷醉眼亂紅綠赤泥方開市紫餅截圓玉傾甌共歡賞竊  
 語笑僮僕豈如泉上僧盃酒自挹掬故人憐我病弱籠寄新馥  
 欠伸北窗下晝睡美方熟精品厭凡泉願子致一斛

書鄆陵王主簿所畫折枝

論畫以形似見與兒童鄰賦詩必此詩定非知詩人詩畫本一  
 律天工與新新邊鸞雀寫生趙昌花傳神何如此兩幅疎淡含  
 精勻誰言一點紅解寄無邊春

書韓幹牧馬圖

南山下汧渭間想見開元天寶年八坊分屯隘秦川四十萬匹  
 如雲烟騅駟駱駱驪騶驃白魚赤兔驊皇駘龍顧鳳頸猗且妍  
 竒姿逸德隱駑頑碧眼波斯手足鮮歲時剪刷供帝閑柘袍臨  
 池侍三千紅妝照日光流淵流下玉螭吐清寒往來感踏生蜚  
 湍衆工舐筆和朱鉛先生曹霸弟子韓廐馬多肉尻睢圓肉中  
 畫骨誇猶難金羈玉勒繡羅鞍鞭箠刻烙傷天全不如此圖近  
 自然平沙細草荒芊緜驚鴻脫兔爭後先王良挾策飛上天何  
 必俯首服短轅

中秋見月寄子由

西風吹暑天益高明月耿耿分秋毫彭城閉門青嶂合坐聽百  
 步飛鳴濤使君携客登燕子月色著人如著水筵前不設鼓與  
 鐘處處笛聲相應起浮雲捲盡流金丸戲馬臺西山鬱蟠杯中

酥酒一時盡衣上白露三更寒

荔枝嘆

十里一置飛塵灰五里一嶮兵火催顛坑仆谷相枕藉知是荔枝千騎來飛車跨山鵲橫波風枝露葉如新採宮中美人一破顏驚塵濺血流千載永元荔枝來交州天寶歲貢取之涪至今欲食林甫肉無人舉觴酬伯游我願天公憐赤子莫生尤物為瘡痂君不見武夷溪邊金粟芽前丁後蔡相籠加爭新買寵各出意今年鬪品充官茶吾君所乏豈此物致養口體何陋聊洛陽相君忠孝家可憐亦進姚黃花

別子由

先君昔愛洛城居我今亦過嵩山麓水南卜宅吾豈敢試向伊川買修竹又葺緱山好泉跟傍市穿林瀉水玉遙想茅軒照水

開兩翁相對清如鵠

泗州僧伽塔

我昔南行舟繫汴逆風三日沙吹面舟人共勸禱靈塔香火未收旗脚轉回頭傾刻失長橋却到龜山未朝飯至人無心何厚薄我自懷私欣所便耕田欲雨刈未晴去得順風來者怨若使人人禱輒遂造物應須日千變我今身世兩悠悠去無所逐來無戀得行固願來不惡每到有求神亦倦退之舊云三百尺澄觀所營今已換不嫌俗士汗丹梯一看雲山遠淮甸

遊金山寺

我家江水初發源宦遊直送江入海葺道潮頭一丈高天寒尚有沙痕在中泠南畔石盤陀古來出沒隨濤波試登絕頂望鄉國江南江北青山多羈愁畏晚尋歸楫山僧苦留看落日微風



萬頃靴文細斷霞半空魚尾赤是時江月初生魄二月月落天  
 深黑江心似有炬大明飛焰照山樓鳥驚悵然歸卧心莫識非  
 鬼非人竟何物江山如此不歸山江神見怪驚我頑我謝江神  
 豈得已有田不歸如江水

孫莘老求墨妙亭詩

蘭亭繭紙入昭陵世間遺跡猶龍騰顏公變法出新意細筋入  
 骨如秋鷹徐家父子亦秀絕字外出力中藏稜嶧山傳刻典刑  
 在千載筆法留陽永杜陵評書貴瘦硬此論未公吾不慙短長  
 肥瘠各有態玉環飛燕誰敢憎吳興太守真好古構買斷缺揮  
 鱗繒龜趺入坐璃隱壁空齋畫畫聳登竒蹤散出走吳越勝  
 事傳說誇友朋書來乞詩要自寫為把栗尾書谿藤後來視今  
 猶視昔過眼百世如風燈他年劉郎憶賀監還道同時須伏膺

將之湖州戲贈莘老

餘杭自是山水窟側葦吳興更清絕湖中橘林新著霜溪上苔  
 花正浮雪頽渚茶芽白于齒梅溪木瓜紅勝頰吳兒鱸縷薄欲  
 飛來去先說纔涎垂亦知謝公到郡久應怪杜牧尋春遲鬢絲  
 只好對禪榻湖亭不用張水嬉

續麗人行

李仲謀家有周昉畫背面欠伸內人極精戲作此詩

深宮無人春日長沈香亭北百花香美人睡起薄梳洗燕舞鶯  
 啼空斷腸畫工欲畫無窮意背立東風初破睡若教回首却媽  
 然陽城下蔡俱風靡杜陵飢客眼長寒蹇驢破帽隨金鞍隔花  
 臨水時一見只許腰支背後看心醉歸來茅屋低方信人間有  
 西子君不見孟光舉案與眉齊何曾背面傷春啼



攜妓樂遊張山人園

大杏金黃小麥熟墮菓乳鵲拳新竹故將俗物惱幽人細馬紅  
妝滿山谷提壺勸酒意雖重杜鵑催歸聲更速酒闌人散却關  
門寂歷斜陽挂疎木

九日黃樓作

去年重陽不可說南城夜半干漚發水穿城下作雷鳴泥滿城  
頭飛雨滑黃花白酒無人問日暮歸來洗鞞襪豈知還復有今  
年把盞對花容一呷莫嫌酒薄紅粉陋終勝泥中事鋏鍤黃樓  
新成壁未乾清河已落霜初殺朝來白露如細雨南山不見千  
尋剝樓前便作海茫茫樓下空舂櫓鴉軋薄寒中人老可畏熱  
酒澆腸氣壑烟消日出見漁村遠水鱗鱗山鬻鬻詩人猛士雜  
雜龍虎楚舞吳歌亂鵝鴨一杯相屬君勿辭此境何殊泛清霄

定惠院寓居月夜偶出

幽人無事不出門偶逐東風轉良夜參差玉宇飛木末繚繞香  
烟來月下江雲有態清自媚竹露無聲浩如瀉已驚弱柳萬絲  
垂尚有殘梅一枝亞清詩獨吟還自和白酒已盡誰能借不辭  
青春忽忽過但恐懽意年年謝自知醉耳愛松風會揀霜林結  
茅舍浮浮大甌長炊玉溜溜小槽如壑蔗飲中真味老更濃醉  
裏狂言醒可怕但當謝客對妻子倒冠落佩徒嘲罵

院東禰花滿山有海棠一株土人不知貴也

江城地溼蕃草木只有名花苦幽獨嫣然一笑竹籬間桃李湯  
山總粗俗也知道造物有深意故遣佳人在空谷自然富貴出天  
姿不待金盤薦華屋未唇得酒暈生臉翠袖卷紗紅映肉林深  
露暗曉光遲日暖風輕春睡足雨中有淚亦悽愴月下無人更



清淑先生食飽無一事散步逍遙自捫腹不問人家與僧舍在  
杖敲門看修竹忽逢艷照衰朽歎息無言措病目陋邦何處得  
此花無乃好事移西蜀寸根千里不易到銜子飛來定鴻鵠天  
涯流落俱可念為飲一樽歌此曲明朝酒醒還獨來雪落紛紛  
那忍觸

和秦太虛梅花

西湖處士肯應槁只有此詩君壓倒東坡先生心已灰為愛君  
詩被花惱多情立馬待黃昏殘雪消遲月出登江頭千樹春欲  
闌竹外一枝斜更好孤下山下醉眠處點綴裙腰紛不掃萬里  
春隨逐客來十年花送佳人老去年花開我已病今年對花還  
草草不如風雨卷春歸收拾餘香還畀昊

豆粥

君不見溱沔流漸車折軸公孫倉皇奉豆粥溼薪破竈自燎衣  
飢寒頓解劉文叔又不見金谷敲冰草木春帳下烹煎皆美人  
萍蘼豆粥不傳法咄嗟而辨石季倫干戈未解身如寄靛色相  
纏心已醉身心顛倒自不知更識人間有真味豈如江頭千頃  
雪色蘆茅簷出沒晨烟孤地碓舂杭光似玉沙餅煮豆軟如酥  
我老此身無著處賣書來問東家住卧聽鷄鳴粥熟時蓬頭曳  
履君家去

送戴蒙赴成都玉局觀將老馬

拾遺被酒行歌處野梅官柳西郊路鞏道華陽版籍中至今尚  
有城南杜我欲歸尋萬里橋水花風葉暮蕭蕭芋魁徑尺誰能  
盡椹木三年已足燒百歲風狂定何有羨君今作蛾眉叟縱未  
家生執戟郎也應世出埋輪守莫欺老病未歸身玉局他年第



幾人會待子猷清興發還須雪夜去尋君

秧馬歌 并序

過廬陵見宣德郎致仕曾君安止所出作禾譜文既溫雅事亦詳寔惜其有所缺不譜農器也予昔遊武昌見農夫皆騎秧馬以榆棗為腹欲其滑以楸桐為背欲其輕腹如小舟昂其首尾背如覆瓦以便兩髀雀躍于泥中繫束藁其首以縛秧日行十畦較之偃僂而作者勞佚相絕矣史記禹乘四載泥行乘橈解者曰橈形如箕摘行泥上豈秧馬之類乎作秧馬歌一首附于禾譜之末云

春雲濛濛雨淒淒春秧欲老翠剡齊嗟我婦子行水泥朝分一瓏暮十畦腰如空篋首咏雞筋煩骨殆聲酸嘶我有桐馬于自提頭尻軒昂腹脇低背覆瓦去角圭以我兩足為四蹄聳踊滑汰如見鷺纖纖束藁亦可齎何用繁纓與月題竭從畦東走畦西山城欲閉鼙鼓聲忽作的盧躍檀溪歸來挂壁從高樓了無芻秣飢不啼少壯騎汝逮老鰲何曾蹶軼防顛擠錦韉公子朝金閨笑我一生蹋牛犁不知自有木馱騃

四月十一日初食荔枝

南村諸楊北村盧

謂梅梅盧橘

白花青葉冬不枯垂黃綴紫烟雨裏

特與荔枝為先驅海山仙人絳羅襦紅紗中單白玉膚不須更待妃子笑風骨自是傾城姝不知天工有意無遣此尤物生海隅雲山得伴松檜老霜雪自困楂梨粗先生洗琖酌桂醕水盤薦此頰虬珠似開江鱸斫玉柱更洗河豚烹腹腴我生涉世本為口一官久已輕尊鱸人間何者非夢幻南來萬里真良圖  
過于海舶得邁寄書酒作詩遠和之皆粲可觀觀子由有



書相慶也因用其韻賦一篇并寄諸子姪

我似老牛鞭不動雨滑泥深四蹄重汝如黃犢走却來海闊山  
高百種送庶幾門戶有八慈不恨居鄰無二仲他年汝曹笏滿  
林中夜起舞踏破甕會當洗眼看騰躍莫指癡腹笑空洞譽兒  
雖是兩翁癖積德已自三世種豈惟萬一許生還尚恐九十煩  
珍從六子晨耕簞瓢出衆婦夜績燈火共春秋古史乃家法詩  
筆離騷亦時用但令文字還照世糞土腐餘安足夢

渚宮

渚宮寂寞依古郢楚地荒茫非故基二王臺閣已鹵莽何況遠  
聳縱橫時楚王獵罷擊靈鼓猛士操舟張水嬉釣魚不復數魚  
鼈大鼎千石烹蛟螭當時郢人架宮殿意思妙絕般與佞飛樓  
百尺照湖水上有趙燕千娥眉臨風揚揚意自得長使宋玉作

楚詞秦兵西來取鐘簷故宮禾黍秋離離千年壯觀不可復今  
之存者蓋已卑池空野迴樓閣小惟有深竹藏狐狸臺中絳帳  
誰復見臺野水浮清漪綺牕朱戶春晝閑想下深屋彈朱絲  
腐儒亦解愛殺色何用白首談孔姬沙泉半涸草堂在破牕無  
紙風颺颺陳公蹤跡最未遠七瑞寥落今何之百年人事知幾  
變直恐荒廢成空陂誰能為我訪遺跡草中應有湘東碑

送將官梁左藏赴莫州

燕南垂趙北際其間不合大如礪至今父老哀王孫蒸土為城  
鐵作門城中積穀三百萬猛士如雲驕不戰一朝鼓角鳴地中  
帳下美人空掩面豈如千騎平時來笑談謦欬生風雷葛巾羽  
扇紅塵靜投壺雅歌清燕開東方健兒虢虎樣泣涕懷思廉頗  
將彭城老守亦凄然不見君家雪兒唱



贈寫御容妙善師

憶昔射策干先皇珠簾翠幄分兩廂紫衣中使下傳詔跪捧再  
拜聳天香仰觀絃冕日生暈但見曉色開扶桑迎陽晚出步就  
坐絳紗玉斧光照廊野人不識日月角髣髴尚記重瞳光三年  
歸來真一夢橋山松檜淒風天霜容玉色誰敢畫老師古寺晝閉  
房夢中神授心有得覺來信手筆已忘幅巾常服儼不動孤  
官入門涕自滂元老侑坐鬚眉古虎臣立侍冠劍長平生慣寫  
龍鳳質肯顧草間猿與麝都人踏破鐵門限黃金白壁空堆牀  
爾來摹寫亦到我謂是先帝白髮郎不須覽鏡坐自了明年乞  
身歸故鄉

送王伯敷守饒

華山東麓東遺民當時依山來避秦至今風俗含古意柔柔深  
水招行人行人掉臂不回首爭入峭函土囊口惟有使君千里  
來欲飲三堂無事酒本來一事無日長睡起聳投壺牀頭  
硯石開雲月澗底松根剝雪腴山棚盜散人安寢勸買耕牛發  
陳廩歸來只作水衡卿我欲攜壺就君飲

安國寺春遊

卧葺百古呼春風起尋花柳村村同城南古寺修竹合小房曲  
檻歌深紅看花嘆老憶年少對酒思家愁老翁病眼不羞雲母  
亂鬢絲強理茶烟中遙知二月玉城外玉仙洪福花如海薄羅  
勻霧蓋新妝快馬爭風鳴雜佩玉川先生真可憐一生耽酒終  
無錢病過春風九十日獨抱添丁看花發

舟中夜起

微風蕭蕭吹菰蒲開門看雨滿湖舟舟人水鳥兩相夢大魚驚



竄如奔狐夜深人物不相管我獨形影相嬉娛暗潮生渚吊寒  
蚓落月挂柳看縣珠此生忽忽憂患裏清境過眼能須臾雞鳴  
鐘動百鳥散船頭擊還相呼

號國夫人夜遊圖

佳人自鞚玉花驄翩如驚燕踏飛龍金鞭爭道寶釵落何人先  
入明光宮宮中羯鼓催花柳玉奴絃索花奴手坐中八姨真貴  
人走馬來看不動塵明眉皓齒誰復見只有丹青餘淚痕人間  
俛仰成今古吳公臺下雷塘路當時一笑潘麗華不知門外擒  
擒虎

十一月二十六日松風亭下梅花盛開

春風嶺上淮南村昔年梅花曾斷魂豈知落盡復相見蠻風蜨  
雨愁黃昏長條半落荔枝浦卧樹獨秀枕椰園豈惟幽光留夜

<sup>絕</sup>直恐恐冷艷排冬温松風亭下荆棘裏兩株玉蕊明朝瞰海南  
仙雲嬌墮砌月下縞衣來叩門酒醒夢覺起繞樹妙意有在終  
無言先生獨飲勿嘆息幸有落月窺清樽

郭祥正家醉畫竹石壁上郭作詩為謝且遺古銅劍二

空腸得酒芒角出肝肺槎牙生竹石森然欲作不可回吐向君  
家雪色壁平生好詩仍好畫書牆浣壁長遭罵不嗔不罵喜有  
餘世間誰復如君者一雙銅劍秋水光兩首新詩爭劍鏗劍在  
牀頭詩在詩不知誰作蛟龍吼

送晁美舛

我年二十無朋儔當時四海一子由君來扣門如有求頎然病  
鶴清而修醉翁遣我從子游翁如退之臨軻丘尚欲放予出一

頭嘉祐初軾與子由寓興國浴室美舛忽見訪云君從歐陽公  
遊久矣公令我與子子定交謂子必名世老夫亦須放他出

地一頭酒醒夢斷四十秋病鶴不病骨愈蚪惟有我顏老可羞醉  
 翁賓客散九州幾人白髮還相收我如懷祖拙自謀正作尚書  
 已過優君求會稽寔良籌往者萬壑爭交流

君近乞  
越州

宋元詩會

皖桐陳

焯默公輯選

後學程仕松皋參較

蘇軾下

訪張山人

萬木鎖雲龍天留與戴公路迷山向背人在灤西東薺麥餘春  
 雪櫻桃落晚風八城都不記歸路醉眠中

過淮贈景山兼寄子由

過淮山漸好松檜亦蒼然藹藹蔽孤寺泠泠出細泉故人真吏  
 隱小檻倚巖偏却望臨江市東風笑語傳

新年三首

曉雨暗人日春愁連上元水生挑菜渚烟溼落梅村小市人歸  
 盡孤舟鶴歸翻猶堪慰寂寞漁火乳黃昏



海國空自暖春山無限青  
水花結瘴雨雪苗到江城  
更待輕雷發先催凍筍生  
豐湖有藤菜似可敵尊羹

荔子幾時熟花頭今已繁  
探春先揀樹買夏欲論園  
居士常攜客叅軍許扣門  
明年更有味懷抱帶諸孫

北寺即仙遊潭

唐初傳有此乳後不留碑  
畏虎關門蚤無村得米遲  
山泉自入甕野桂不勝炊  
信美那能久應先學忍飢

子由綠筠堂

愛竹能延客求詩刺挂牆  
風梢千燾乳月影莫夫長  
谷鳥驚棋響山蜂識酒香  
只應陶靖節會聽北窗涼

遊鶴林招隱

郊原雨初霽春物有餘妍  
古寺滿修竹深林聳杜鵑  
睡餘柳花

墮目眩山櫻然西牕有客病危  
坐看香烟

乘舟過賈收水閣收不在見其子

愛酒陶元亮能詩張志和  
青山來水檻白雨滿漁蓑  
淚垢添丁面貧低舉案蛾  
不知何所樂竟夕獨酣歌

荊州三首

遊人出三岐楚地盡平川  
北客隨南賈吳橋檣間蜀江侵  
平野斷風捲白沙旋欲問興亡  
意重城自古堅

南國舊戰國慘淡意猶存  
慷慨因劉表淒涼為屈原  
廢城猶帶井古聚成村亦解觀  
形勝昇平不敢論

朱檻城東角高山此望沙  
江山非一國烽火畏三巴  
戰骨淪秋草危樓倚斷霞  
百年豪傑盡擾擾見魚蝦

南康望湖亭

八月渡長湖蕭條萬象疎秋風片帆急暮雨一山孤許國心猶  
在康時術已虛岷峨家萬里投老得歸無

中隱堂詩并序

岐山宰王君紳其祖故蜀人也避亂來長安而遂家焉其居  
第園圃有名長安城中號中隱堂者是也予以長安王君以  
書戒其子弟邀予遊且乞詩因賦此

二月驚梅晚幽香此地無依依慰遠客皎皎似吳姝不恨故國  
隔空嗟芳歲徂春深桃李亂笑汝益羈孤

雨晴後野步

雨過浮萍合蛙聲滿四鄰海棠真一夢梅子欲嘗新拄杖閒挑  
菜鞦韆不見人慙慙木芍藥獨自殿餘春

倦夜

倦枕獸長夜小牕終未明孤村一犬吠殘月幾人行衰髮久已  
白旅懷空自清荒園有絡繹紅織竟何成

宋復古畫瀟湘晚景圖

西征憶南國堂上畫瀟湘照眼雲山出浮空野水長舊遊心自  
省信手筆都忘會有衡陽客來看意渺茫

去歲與子野遊逍遙臺日欲沒因往西山叩羅浮道院至  
已二鼓矣遂宿于西堂今歲索居僖耳子野復來相見  
作詩贈之

往歲追歡地寒牕夢不成笑談驚半夜風雨暗長檠雞唱山柵  
曉鐘鳴霜外殺只今那復見髣髴似三生

大老寺竹間閣子

殘花帶葉暗新筍出林香但見竹陰綠不知沂水黃樹高傾隴



鳥池浚落河魴栽植良辛苦孤僧瘦欲危

風水洞和李鄧推

風轉鳴空穴泉幽鴻石門虛心聳地籟妄意覓桃源過客詩難  
好居僧語不繁歸却得水雪清冷慰文園

與迷古自有美堂乘月夜歸

娟娟雲月稍侵軒激激星河半隱山魚鑰未收清夜永鳳簫猶  
在翠微間淒風瑟縮絃柱香霧淒迷著髻鬟共喜使君能鼓  
樂萬人爭看火城還

次韻周長官壽星院同餞魯少卿

瑠璃百頃水仙家風靜湖平響釣車竊歷疎松歎晚照伶俜寒  
蝶抱秋花困眠不覺依蒲褐歸路相將踏桂華更著綸巾披鶴  
氅他年應作畫圖看誇

十月十五日觀月黃樓席上次韻

中秋天氣未應殊不用紗紗照坐隅山下白雲橫匹素水中明  
月卧浮圖未成短檝還三峽已約輕舟泛五湖為問登臨好風  
景明年相憶使君無

定州次韻曾仲錫元日見寄

蕭索東風兩鬢華年年幡勝剪宮花愁聳塞曲吹蘆管喜見春  
盤得蓼芽吾國舊供雲澤米君家新致雪坑茶燕南異事真堪  
記三寸黃柑擘永嘉

七月二十四日以久不雨出禱礮溪是日宿號縣二十五

日晚自號縣渡渭宿于僧舍曾閣閣故曾氏相建也夜  
久不寐見壁上前縣令趙薦留名有懷其人

龕燈明滅欲三更歌枕無人夢自驚深谷留風終夜響亂山銜

月半牀明故人漸遠無消息古寺空來有姓名欲向磻溪問妻  
叟僕夫屢報斗杓傾

和柳子玉過陳絕糧

如我自觀猶可厭非尋誰復得相尋圖書跌宕悲年老燈火青  
熒語夜深蚤歲便懷齊物意微官敢有濟時心南行十里成何  
事一聽秋濤萬鼓音

宿水陸寺寄北山清順僧二首

草沒河堤雨暗村寺藏修竹不知門拾薪煮藥憐僧病掃地燒  
香淨客魂農事未休侵小雪佛燈初上報黃昏年來漸識幽居  
味思與高人對榻論

長嫌鐘鼓聒湖山此境蕭條却自然乞食遠村真為飽無言對  
客本非禪披榛覓路衝泥入洗足闔門聽雨眠遙想後此窮賈

島夜寒應聳作詩肩

宋村達家聽琵琶

數絃已品龍香撥半面猶掩鳳尾槽新曲翻從玉連瑣舊教終  
愛鬱輪袍夢回只記歸舟字賦罷雙垂紫錦絛何異烏絲送公  
主碧天無際雁行高

有以官法酒見餉者因用前韻求述古為移厨飲湖上

喜逢門外白衣人欲贈湖中赤玉鱗遊舫已妝吳榜穩舞衫初  
試越羅新欲將魚釣追黃帕未要靴刀抹絳巾芳意十分強半  
在為君先達水邊春

新城道中

東風知我欲山行吹斷簷間積雨聲嶺上晴雲披絮帽樹頭初  
日挂銅鉦野桃含笑竹籬短溪柳自搖沙水清西崦人家應最



樂苑芹燒筍餉春耕

會客有美堂周郊長官與數僧同泛湖往北山湖中聳堂

上歌笑聲以詩見寄因和

載酒無人過子雲掩關晝卧客書裙歌喉不共聽珠貫醉面何  
因作纈紋僧侶且陪香火社詩壇欲斂鶴鵝軍憑君徧遠湖邊  
寺漲淥晴來已十分

病中遊祖塔院

紫李黃瓜村路香烏紗白葛道衣涼閉門野寺松陰轉歌枕風  
軒客夢長因病得閒殊不惡安心是藥更無方道人不惜堦前  
水借與甕尊自在嘗

初自徑山歸述古召飲介亭以病先起

西風初作十分涼喜見新橙透甲香遲暮賞心驚節物登臨病  
眠怯秋光慣眠處士雲菴裏倦醉佳人錦瑟旁猶有夢迴清興  
在卧輦歸路樂聲長

次韻述古過周長官夜飲

二更鏡鼓動諸鄰百首新詩間八珍已遣乳蛙成兩部更邀明  
月作三人雲烟湖寺家家鏡燈火沙河夜夜春曷不勸公勤秉  
燭老來光景似奔輪

過永樂文長老已卒

初驚鶴瘦不可識旋覺雲歸無處尋三過門間老病死一彈指  
頃去來今存亡慣見渾無淚鄉井難忘尚有心欲向錢塘訪圓  
澤葛洪川畔待秋聲

雪夜書北臺壁二首

黃昏猶作雨纖纖夜靜無風勢轉嚴但覺衾裯如潑水不知庭

院已堆鹽五更曉色來書幌半夜寒敲入畫檐試掃北臺看馬耳未隨埋沒有雙尖

城頭初日始翻鴉西上晴泥已沒車凍合玉樓寒起粟光搖銀海眩生花遺蝗入地應千尺宿麥連雲有幾家老病自嗟詩力退空吟冰柱憶劉叉

夜飲次韻畢推官

簿書叢裏過春風酒聖時時且復中紅燭照庭嘶駉裏黃雞催曉唱玲瓏老來漸減金釵興醉後空驚玉筋工月未上時應蚤散免教壑谷問吾公

與參寥師行園中得黃耳蕈

遣花何時取衆香法筵齋鉢久淒涼寒蔬病甲誰能採落葉空畦半已荒老楮忽生黃耳蕈故人兼致白芽薑蕭然放筋東西

去又入春山筍蕨鄉

岐亭道士見梅花戲贈李常

蕙苑蘭枯菊亦推返魂香入嶺頭梅數枝殘綠風吹盡一點芳心雀啁開野店初嘗竹葉酒江雲欲落豆稽灰行當更向釵頭見病起烏雲正作堆

二月三日點燈會客

江上東風浪接天苦寒無賴破春妍雲開雲夢羔兒酒快瀉錢塘藥玉船蠶市光陰非故國馬行燈火記當年冷烟溼雪梅花在留得新春作上元

泗州南山監倉蕭東軒

北望飛塵苦晝霾洗心聊復寄東齋珍禽殺好猶思越野橘香清未過淮有信微泉來遠嶺無心明月轉空堦一官倉庾真堪



老坐着松根絡斷崖

泗州除夜雪中黃師是送酥酒

暮雪紛紛碎米春  
春流咽咽走黃沙  
舊遊似夢徒能說  
逐客如僧豈有家  
冷硯欲書先自凍  
孤燈何事獨成花  
使君半夜分酥酒  
驚起妻孥一笑譁

杜介送魚

新年已賜黃封酒  
舊老仍分頰尾魚  
陋巷關門負朝日  
小園除雪得春蔬  
病妻起斫銀絲膾  
稚子謹尋尺素書  
醉眼矇矓覓歸路  
松江烟雨晚踈踈

舟行至清遠縣見顧秀才極談惠州風物之美

到處聚觀香案吏  
此邦宜著玉儲仙  
江雲漠漠桂花溼  
海雨脩脩荔子然  
聳道黃柑當抵鵲  
不容朱橘更論錢  
恰從神虎來弘

景便向羅浮見稚川

新釀桂酒

擣香節辣八竒盆  
益益春溪帶雨渾  
收拾小山藏社甕  
招呼明月到芳樽  
酒材已遣門生致  
菜把仍叨地主恩  
爛煮葵羹斟桂醕  
風流可惜在戀村

正月二十六日偶與數客野步嘉祐僧舍東南野人家雜  
花盛開扣門求觀主人林氏媪出應白髮青裙少寡獨  
居三十年矣感嘆之餘作詩記之

縹帶細枝出絳房  
綠陰青子送春忙  
涓涓泣露紫含笑  
焰焰燒空紅  
拂桑落日孤烟知  
客恨短籬破屋為誰香  
主人白髮青裙  
袂子美詩中黃四娘

連雨江漲

越井岡頭雲出山，輝河江上水如天。牀牀避漏幽人屋，浦浦移家。蜺子船龍卷魚蝦，并雨落人隨雞犬。上墻眠衽應樓下平堦，水長記先生過嶺年。

白鶴峰新居欲成夜過西鄰翟秀才

林行婆家初閉戶，翟夫子舍尚留闔。連娟缺月黃昏後，縹緲新居紫翠間。繫悶豈無羅帶水，割愁還有劍鉞山。中原北望無歸日，鄰火村舂自往還。

庚辰歲人日作詩，奉黃河已復北流，老臣舊數論此，今斯

言乃驗二首

老去仍棲隔海村，夢中時見作詩孫。天孫已慣逢人日，歸路猶欣過鬼門。三策已應思賈讓，孤忠終未赦虞翻。典衣剝買河源米，屈指新筍作上元。

不用長愁挂月村，檳榔生子竹生孫。新巢語燕還窺硯，舊雨來人不到門。春水蘆根看鶴立，夕陽楓葉見鴉翻。此生念念隨泡影，莫認家山作本元。

六月二十日夜渡海

參橫斗轉欲三更，苦雨終風也解晴。雲散月明誰點綴，天容海色本澄清。空餘魯叟乘桴意，粗識軒轅奏樂聲。九死南荒吾不恨，茲遊竒絕冠平生。

過嶺

暫著南冠不到頭，却隨北雁已歸休。平生不作兔三窟，今古何殊貉一丘。當日無人送臨賀，至今有廟祀潮州。劍關西望七千里，乘興真為玉局遊。

留題顯聖寺



渺渺疎林集晚鴉孤村烟火梵王家幽人自種千頭橘遠客來  
尋百結花浮石已乾霜後水焦坑間試雨前茶祇疑歸夢西南  
去翠竹江村縹白沙

西蜀楊耆二十年前見之甚貧今見之亦貧所異于昔者  
蒼顏華髮耳女無美惡富者妍士無賢不肖貧者鄙使  
其逢時遇合豈減當世之士哉頃宿長安驛舍耆泣者  
甚怨問之乃昔富而今貧者為作一詩今以贈楊君

孤村漸雨逐秋涼逆旅愁人怨夜長不寐相看惟樵馬愁吟互  
答有寒螢天寒滯癭猶橫畝歲晚空機尚倚牆勸爾一杯聊復  
睡人間貧富海茫茫

獄中寄子由

柏臺霜氣夜淒淒風動琅璫月向低夢遠雲山心似鹿魂飛湯

火命如雞眼中犀角真吾子身後牛衣媿老妻百歲神遊定何  
處桐鄉知在浙江西

出獄次前韻

平生文字為吾累此去聲名不厭低塞上縱歸他日馬城中不  
鬪少年難休官彭澤貧無酒隱几維摩病有妻堪笑睢陽老從  
事為余投檄向江西

次韻完夫再贈之什某已卜居毗陵與完夫有廬里之約  
云

柳絮飛時筍箨斑風流二老對開闕雪芽我為求陽羨乳水君  
應餉惠山竹簟水風眠晝永玉堂制草落人間應容緩急煩問  
里桑柘聊同十畝閒

贈王子直秀才

萬里雲山一破裘杖端閒挂百錢遊五車書已留兒讀二頃田  
應為鶴謀水底笙歌蛙兩部山中奴婢橘中頭幅巾我欲相隨  
去海上何人識故侯

贈清涼寺和長老

伐北初辭沒馬塵江南來見卧雲人問禪不契前三語施佛空  
留丈六身老去山林徒夢想兩餘鐘鼓更清新會須一洗黃茅  
瘴未用深藏白氎巾

寄呂穆仲寺丞

孤山寺下水侵門每到先看醉墨痕楚相未已談笑是中郎不  
見典刑存君先去踏塵埃陌我亦來尋桑惠村回首西湖真一  
夢灰心霜髮更休論

九月二十日微雪懷子由弟

岐陽九月天微雪已作蕭條歲暮心短日送寒砧杵急冷官無  
事屋廬深愁腸別後能消酒白髮秋來已上簪近買貂裘堪出  
塞忽思乘傳問西琛

送穆越州

江海相忘十五年羨君松柏蔚蒼顏四朝耆舊水霜後兩郡風  
流水石間舊政猶傳蜀父老先嚴已振越溪山樽前俱是蓬萊  
守莫放高樓雪月閒

正月二十日往岐亭郡人潘古郭三人送余于女王城東

禪莊院

十日春寒不出門不知江柳已搖村稍暈泱泱流水谷盡放青  
青沒癭痕數畝荒園留我住半瓶濁酒待君溫去年今日關山  
路細雨梅花正斷魂



第五橋

白露淒風洗瘴烟夢回相對兩淒然雀羅廷尉非當日鳩杖先生愈少年世事飽諳思縮手主恩未報恥歸田誰憐第五橋東水獨照台州老鄭虔

樓觀

鳥噪猿呼晝閉門寂寥誰識古皇尊青牛已久辭轅輓白鶴時來訪子孫山近朔風吹積雪天寒落日淡孤舟道人應怪遊人衆汲盡堦前井水渾

過嶺寄子由

七年來往我何堪又試曹溪一勺甘夢裏似曾遷海外醉中不覺到江南波生濯足鳴空澗霧遠征衣滴翠嵐誰遣山雞忽驚起半巖花雨落紛紛

歇白塔舖

甘山廬阜鬱長望林隙依稀漏日光吳國晚蠶初斷葉占城蚤稻欲移秧迢迢澗水隨人急冉冉巖花撲馬香望眼儘從飛鳥遠白雲深處是吾鄉

李鈴轄坐上分題戴花

二八佳人細馬駝十千美酒渭城歌簾前柳絮驚春曉頭上花枝奈老何露溼醉巾香掩冉月明歸路影婆娑綠味吹笛何時見欲把斜紅挿皂羅

玉盤盃并序

東武舊俗每歲四月大會于南禪資福寺以芍藥花供佛而今歲最盛凡七千餘朵皆重跗累萼繁麗豐碩中有白花正圓如覆盃其下十餘葉稍大承之如盤姿格絕異獨出于七

千朵之上云得之城北蘇氏園中周宰相莒公之別業也而其名俚甚乃為易之

雜花狼籍占春秦芍藥開時掃地無兩寺妝成寶纓絡一枝爭看玉盤盃佳名會作親翻曲絕品難尋舊畫圖從此定知年穀熟姑山親見雪肌膚

壺中九華詩

我家岷蜀最高峰夢裏猶驚翠掃空五嶺莫愁千嶂外九華今在一壺中天池水落層層見玉女牕明處處通念我仇池太孤絕百金歸買小玲瓏

和子由寒食

寒食今年二月晦樹林深翠已生烟遠城駿馬誰能借到處名園意盡便但挂酒壺那計盞偶題詩句不須徧忽聳啼鴟驚羈

旅江上何人治廢田

紅梅

怕愁貪睡獨開遲自恐冰容不入時故作小紅桃杏色尚餘孤瘦雪霜姿寒心未肯隨春態酒暈無端上玉肌詩老不知梅格在更看綠葉與青枝

石蔓卿紅梅詩云認桃無綠葉辨有青枝

和劉景文見贈

元龍本志陋曹吳豪氣崢嶸老不除失路今為噲等伍作詩猶似建安初西來為我風薰面獨卧無人雪縞廬留子非為十日飲要令安世誦亡書

九日尋臻閣黎遂泛舟至勲師院

湖上青山翠作堆蔥蔥鬱鬱氣佳哉笙歌叢裏抽身出雲水光中洗眼來白足赤髭迎我笑拒霜黃菊為誰開明年桑苧煎茶



處憶著哀翁首重迴

皎然有九日與陸羽煎茶詩羽自號桑苧翁余來年九日去此久矣

除夜野宿常州城外

南來三見歲云徂直恐終身走道途老去怕看新曆日退歸擬學舊桃符烟花已作青春意霜雪偏尋客鬢但把窮愁博長健不辭醉後飲屠蘇

與毛令方尉遊西提寺二首

推擠不去已三年魚鳥依然笑我頑人未放歸江北路天教看盡浙西山尚書清節衣冠後處士風流水石間一笑相逢那易得數詩狂語不須刪

路轉山腰足未移水清石瘦便能竒白雲自占東西嶺明月誰分上下池黑漆黃梁初熟後朱柑綠橘半甜時人生此樂須天賦莫遣兒曹取次知

孔長源挽詞

小偃門頭柳繫船吳山堂上月侵筵潮聲夜入千巖響詩句明朝萬口傳長源自越過杭州夜飲有美堂上聯句長源詩云豈意天目遠隨雙鳳落海門遙感兩潮趨一坐稱善日斜庚子後忽驚歲在己辰年佳城一閉無窮事南望題詩淚灑牋

宿州次韻劉涇

我欲歸休瑟漸希舞雩何日著春衣多情白髮白三千文用蒼皮四十圍晚覺文章真小技蚤知富貴有危機為君垂涕君知否千古華亭鶴自飛涇之兄弟汗亦有文苑矣

贈惠山僧惠表

行遍天涯意未闌將心到處遣人安山中老宿依然在案上楞嚴已不着歌枕落花餘幾片閉門新竹是千竿客來茶罷空無

有盧橘楊梅尚帶酸

初到黃州

自笑平生為口忙老來事業轉荒唐  
長江遶郭知魚美好竹連山覺筍香  
逐客不妨員外置詩人例作水曹郎  
只慙無補絲毫事尚覺官家壓酒囊

檢校官例折支多得退酒袋

朝雲詩并序

世謂樂天有粥駱馬放楊柳枝詞嘉其主老病不忍去也然  
夢得有詩云春盡絮飛留不得隨風好去落誰家樂天亦云  
病與樂天相伴住春隨樊子一時歸則是樊素兄去也予家  
有數妾四五年相繼辭去獨朝雲者隨予南遷因樂天天集  
戲作此詩朝雲姓王氏錢塘人嘗有子曰幹兒未期而夭云  
豈似楊枝別樂天恰如通德伴伶玄阿奴絡秀不同老天女維

摩總解禪經卷藥爐新活計舞衫歌扇舊因緣丹成逐我三山  
去冒作巫陽雲雨仙

枕椰杖寄張文潛一首時初葺黃魯直遷黔南范淳父九  
疑也

睡起風清酒在亡身隨殘夢兩茫茫江邊曳杖枕椰瘦林下尋  
苗草撥香獨步倘逢响嶼令遠來莫限曲江張遙知魯國真男  
子獨憶平生感孝章

汲江煎茶

活水還須活火烹

唐人云茶須緩火炙活火煎

自臨鈞石取深清大瓢貯月

歸春甕少杓分江入夜餅茶兩已翻煎處脚松風忽作瀉時聲  
枯腸未易禁三盃坐數荒村長短更

庚辰歲正月十二日天門冬酒熟予自漉之且漉且嘗遂



以大醉

自撥床頭一甕雲先人先已醉濃芬天門冬熟新年喜麴米春  
香並舍穀杜子美詩云聿道雲菜圃漸疎花漠漠竹扉斜掩雨  
紛紛擁裘睡覺知何處吹面東風散纈紋

贈詩僧道通

雄豪而妙苦而腴祇有琴聰與密殊錢塘僧思聰絕角善琴復捨琴而學詩復棄詩而學  
道其詩以成然而加雄放安州僧仲殊詩敏提立成而工妙絕人速甚殊辟穀常啖蜜語帶烟霞後古少  
李太白云他人之如氣含蔬荀到公無謂無酸也香林乍喜聞  
山無烟霞春無草木

趙成伯家有妹麗僕忝鄉人不肖開樽後吟春雪謹依元韻以當一笑

繡簾朱戶未曾開誰見梅花落鏡臺試開高吟三十韻何如低

唱兩三杯莫嫌衰髮聊相映須得纖膏與共回知道文君隔青  
鎖梁園賦客敢言才

惠州近城數小山類蜀道與進士許毅野步會意處飲

之且醉作詩以記適參寥專使欲歸使示此此示西湖  
之上諸友庶使知余未嘗一日忘湖山也

夕陽飛絮乳平蕪萬里春前一酒壺鐵化雙魚沈遠素劍分二  
嶺隔中區花曾識面花仍好鳥不知名穀自呼夢想平生消未  
盡滿林烟月到西湖

八月七月初入贛過惶恐灘

千人里外二毛人十八灘頭一葉身山憶喜懽勞遠夢蜀道有喜懽懽  
鋪關在大地名惶恐泣孤臣長風送客添帆腹積雨扶舟減石鱗  
便合與官充水手此生何止畧知津

立春日小集呈端升

白髮已十載青春無一堪不驚新歲換聊與故人談  
 牛健民聲喜鴉嬌雪意酣霏微不到地和煖豈宜  
 蚤歲川斜川似風流曲水慙哀懷久仄槁習氣尚  
 饒貪白啖本河朔紅消真劍南辛盤得青韭臘酒  
 是黃柑歸卧燈殘帳醒葦葉打菴須煩李居士重  
 說後三三

送范景仁遊洛中

投老身彌健登山意未闌西遊為櫻筍東道盡  
 鸛鷺杖履攜兒去園亭借客看折花斑竹寺弄水  
 石樓灘鬻馬哀憐白鷺雷怯笑韓蘇書標洞府松  
 蓋掩天壇試與劉夫子重尋靖長官

同王勝之遊蔣山

到郡席不煖居民空惘然好山無十里遺恨恐  
 他年欲款南朝

寺同登北郭船朱門收畫戟紺宇出青蓮夾路  
 蒼髯古迎人翠麓偏龍腰蟠故國鳥瓜寄僧巔  
 竹杪飛華屋松根泣細泉峰多巧障日江遠欲  
 浮天畧約橫秋水浮屠挿暮烟歸來踏人影雲  
 細月娟娟

靈上訪道人不遇

花光紅滿欄草色綠無岸不逢青眼人長歌白  
 石澗

初入蘆山

青山若無素僵蹇不相親要識廬山面他年是  
 故人出都來陳所乘船上有題小詩不知何人  
 作有感予心者聊以和之

潁水非漢水亦作葡萄綠恨無襄陽兒令唱銅鞮曲

軒牕



東鄰多白楊夜作雨聲急牕下獨無眠秋蟲見燈入  
促織

月叢號耿耿露葉泣溽溽夜長不自煖那憂公子寒

吉祥寺賞牡丹

人老簪花不自羞花應羞上老人頭醉歸扶路人應笑十里珠  
簾半上鈎

望湖樓醉書二絕句

黑雲翻墨未遮山白雨跳珠亂入船卷地風來忽吹散望湖樓  
下水如天

放生魚鱉逐人來無主荷花到處開水枕能令山俛仰風船解  
與月裴回

飲湖上初晴後雨

水光瀲灩晴方好山色空蒙雨亦奇欲把西湖比西子淡妝濃  
抹總相宜

贈別

青鳥銜巾久欲飛黃鸞別主更悲啼殷勤莫忘分攜處湖水東  
邊鳳嶺西

書辨才白雲堂壁

不辭清曉叩松扉却值支公久不歸山鳥不啼天欲雪卷簾惟  
見白雲飛

送蜀人張師厚赴殿試

忘歸不覺鬢毛斑好事鄉人尚往還斷嶺不遮西望眼送君直  
過楚玉山

惠崇春江晚景

竹外桃紅三兩枝  
春江水暖鴨先知  
萋萋滿地蘆芽短  
正是河豚欲上時

書李世南所畫秋景

野水參差落漲痕  
疎林欹倒出霜根  
扁舟一櫂歸何處  
家在江南黃葉村

書林次中所得李伯時歸去來陽闕二圖後二首

不見何戡唱渭城  
舊人空數米家榮  
龍眠獨識殷勤處  
畫出陽闕意外聲

兩本新圖寶墨香  
樽前獨唱小秦王  
為君翻作歸來引  
不學陽闕空斷腸

送邁驛通潮閣

餘生欲老海南村  
帝遣巫陽招我魂  
杳杳天低鶻沒處  
青山一

髮是中原

僕年三十九在潤州道上過除夜作此詩文又二十年惠州錄之以付過

寺官官小未朝參  
紅日半牕春睡酣  
為報鄰雞莫驚覺  
更容殘夢到江南

寒具

纖手搓來玉數尋  
碧油輕蘸嫩黃深  
夜來春睡濃于酒  
壓徧佳人纏臂金

絕句

柴桑春晚思依依  
屋角鳴鳩雨欲飛  
昨日已收寒食火  
吹花風起却添衣

答田國博二首



歲月翩翩下坂輪歸來杏子已生仁深紅落盡東風惡柳絮榆  
錢不當春

水冷錫稀杏粥稠青裙縞袂餉田頭大夫夫行役家人怨羨居  
鄉馬少游

淮上蚤發

淡月輕雲曉角哀小風吹水碧鱗開此生定向江湖老默數淮  
中十往來

望湖樓晚景

青山斷處塔層層隔岸人家喚欲應江上秋風晚上急為傳鐘  
鼓到西興

西湖壽星院此君軒

卧聽謾謾碎龍鱗俯看蒼蒼立玉身一舸鷓夸江海去尚餘君

子六千人

寒食夜

漏聲透入碧紗牕人靜鞦韆影半斜沈麝不燒金鴨冷淡雲籠  
照梨花

梅花三首

梅梢春色弄微和作意枝<sup>南</sup>剪刻多月黑林間逢縞袂霸陵醉尉  
誤誰何

月地雲堦漫樽玉奴終不負東昏臨春結綺荒荆棘誰信信幽香  
是返魂

張翰畫像

浮世浮功食與眠李膺真得水中仙不須更說知幾蚤真為鱸  
魚也自賢

讀開元天寶遺事二首

農得寶歌百倍多廣陵銅器越溪羅三郎官爵如泥土爭唱弘  
農得寶歌

琵琶絃急袞梁州羯鼓聲高舞臂鞦破費八姨三百萬大唐天  
子要纏頭

八月十五日看潮

萬人鼓噪懾吳儂猶似浮江老阿童欲識潮頭高幾許越山渾  
在浪花中

江神河伯兩醯雞海若東來氣吐霓安得夫差水犀手三千強  
弩射潮低

贈莘老三首

嗟余與子久離羣耳冷心灰百不聳若對青山談世事當須舉

白便浮君

天目山前綠浸裾碧闌堂下看銜鱸作堤捍水非吾事閒送苕  
溪入太湖

三年京國厭藜蒿長羨淮魚罨楚糟今日駱駝橋下泊恣看修  
網出銀刀

山村二首

老翁七十自腰鎌慚媿春山筍蕨甜豈是葦韶解忘味邇來三  
月食無鹽

杖藜裹飯去恣恣過眼轉青錢轉手空贏得兒童音好一年強  
半在城中

陳季常所畜朱陳村嫁娶圖

我是朱陳舊使君勸耕曾入杏花村而今風物那堪畫縣吏催



錢夜打門 朱陳村在徐州蕭縣

縱筆

父老爭看烏角巾應緣曾現官身谿邊古路三叉口獨立斜陽數過人

北船不到米如珠醉飽蕭條半月無日東家知竈祀竈隻雞斗酒定膳吾

章惇 附

建州浦城人第進士調商洛令熙寧初王安石石東政悅其才用為編修三司條例官出仕湖南北案訪使召還擢知制誥罷知州元豐三年拜參知政事尋罷知蔡州五年召拜門下侍郎哲宗即位知樞密院事宣仁后聽政惇與蔡確矯倡定策功會確罷惇不自安乃駁司馬光所更後法累數千言務以求勝其說不行復憤志爭辯簾前宣仁后怒劉摯蘇轍未光庭之意首起惇為之書左僕射于是宗親政有復熙寧元祐之所罷一切復之元祐當局譏人專以紹述為事凡元祐之所罷一切復之元祐當局譏人一專以紹述為事凡元祐之所罷一切復之元祐當局譏人

追廢宣仁后則惇亂不道之尤矣

玉光亭

千層懷玉對軒牕池上新亭見玉光祇此便堪為吏隱神仙官

職水雲鄉

答劉子宣

洞霄宮裏一間人東府西樞老舊臣多謝姑蘇賢太守慙慙分

送洞庭春

舒亶 附

字信道號亦樂居士初官臨海縣尉王安石當國聳其能為改官至御史裏行後同李定臨蘇軾于罪蓋伎險人也

夢入天宮

天風吹散赤城霞染出連雲萬樹花誤入醉鄉迷去路旁人應笑却還家

村居

水遠陂田竹遶籬  
榆錢落盡槿花稀  
夕陽牛背無人卧  
帶得寒鴉兩兩歸





